

杜

詩

闡

杜詩闕第二十七卷目

甘林

遣女奴監子

暇日小園

峽隘

夜雨

更題

見熒火

月

寄劉伯華

草閣

月

十七夜

白露

孟氏

驅豎子摘蒼耳

春陵行

寄狄明府

寄韓諫議

魏將軍歌

秋峽

日暮

月

曉望

別李秘書

九月一日

過客相尋

孟倉曹遺酒醬

課小豎

溪上

復愁

搖落

九日

季秋江村

杜詩圖卷二十七

同學王日藻却非氏閱

華亭盧元昌文子氏述

武林弟 璉漢華氏訂

夔州詩 大曆二年

甘林

捨舟越西崗入林解我衣青芻適馬性好鳥知人歸晨光

映遠岫夕露見日晞

以上入甘林

遲暮少寢食清曠喜荆扉經

過倦俗態在野無所違試問甘藜藿未肯羨輕肥喧靜不

同科出處各天機勿矜朱門是陋此白屋非

以上入甘林之懷明

朝步鄰里長老可以依時危賦斂數脫粟爲爾揮相攜行
豆田秋花藹菲菲子實不得弊貨市送王畿盡添軍旅用
迫此公家威主人長跪辭戎馬何時稀我衰易悲傷屈指

數賊圍勸其死王命慎勿違奮飛

以上出甘林慰鄰里

我甘林在西崗西捨舟越此解衣秣馬人歸而鳥亦喜
矣於時晨光熹微初映遠岫夕露涓滴覺其乍晞我何
爲入此甘林自維年屆遲暮精力少而寢食減境喜清
曠去城市而卽荆扉况俗態懶親野趣足樂有問我以
甘藜藿之故亦不過厭輕肥之俗態耳凡以靜喧之趣
卽不同科出處之機各有天分豈曰朱門之輕肥是白
屋之藜藿非耶明朝出甘林步鄰里鄰里長老有天機
無俗態藜藿之伍非輕肥之儔而可依也但處此時危
賦斂孔亟我之脫粟且爲爾揮非要譽也誠憫軍需竭
而鮮飽耳因攜長老同行豆田顧此豆花菲菲將實庶
足療秋荒瞻八口無奈軍需告急朝廷筭緡賣豆易金
齋折供戰戶口之需誠莫緩也公家之威亦可畏也王

人力苦此而問休兵定幾時我今已衰年而日解則幸
不日主人勉乎哉軍需之迫本朝廷不得已王命所在
亦爾等宜勉循若使王命不死奮飛以輕去其鄉其若
普天之義何○題曰甘林詩中一字不及甘林者已見
於阻雨一篇也但前篇以豪吏侵奪為辭此却以迫於
科歛為辭憂人不聊生矣書懷篇所謂萬里煩供給孤
城最
怨思

秋行官張望督促東渚耗稻向畢清晨遣女奴阿稽暨
子阿段往問

東渚雨今足作聞粳稻香

二句上

天無偏頗蒲稗各自長

人情見非類田家戒其荒功夫競楫楫除草置岸傍

六句

耗稻之事殺者命之本客居安可忘青春具所務勤墾免亂常

吳牛力容易並驅動莫當豐草亦已概雲水照方塘有生

固蔓延靜一資隄防督領不無人提攜頗在綱

以上行官張望督促

耗荆揚風土暖肅肅候微霜尚恐主守疎用心有未臧

清朝遣婢僕寄語踰崇崗

四句遣奴子往問

西成聚必散不獨陵

我倉豈要仁里譽感此亂世忙北風吹兼葭蟋蟀近中堂

荏苒百工休鬱紆遲暮傷

八句秋成之感

雨以澤苗亦以滋草因而蒲稗妨禾矣雖天心兼愛良
秀無殊然人半力勤須嚴非種莠草不鋤而先自荒田
家所戚也故功夫則穀力不林除草則務使勿混況我
客居穀尤命本勤墾有法勿得亂常必哭牛之力人功
並驅庶蒲稗之生終朝盡去草去豐苗茂矣雲水清矣
仰此推之凡屬有生蔓延之類總賴隄防靜一之功此
非衆人務而行官職也行官勉哉今日督促向畢用心
亮無不臧矣當念荆揚土饑民不早熟轉盼高秋肅霜
將降在上天無不報之勤乃人事有怠終之失我尚恐
爾主守疎用心有未至乃遣婢僕侵晨越崗寄語行官

勿替厥職能如是西成有望矣且爾亦知西成所收
必有散我倉如陵豈私己有將以散所有給所無豈
仁里之虛聲誠感亂世迫促緩急時有耳求幾風吹
荻物搖落矣蟲鳴床下入室處矣場功畢百務休秋
固足樂運暮轉堪傷豈曰客居之人以穀爲本一穀
外無他慮哉○耗卽耗也漢高本紀中縣人以故不滅
耗註曰耗損也今日耗稻謂損去其草而俾稻長猶耘
苗也又食貨志官職耗廢師古註耗亂也督促耗稻卽
稻意

暇日小園散病將種秋菜督勸耕牛兼書觸目

不愛入州府畏人嫌我真及乎歸茅宇傍舍未曾嘆老病

忌拘束應接喪精神江村意自放林木心所欣

以上暇日小園散病

秋耕屬地濕山雨近甚勻冬菁飯之半牛力晚來新深耕

種數畝未甚後四鄰嘉蔬既不一名數頗具陳荆巫非苦

寒採擷及青春

以上將種秋菜督勒耕牛

飛來兩白鶴暮啄泥中芹雄

者左翮垂損傷已露筋一步再流血尚經燂繳勤三步六

號叫志屈悲哀頻鬱鳳不相待側頸訴高旻杖藜俯沙渚

為汝鼻酸辛

以上兼書觸目

我非龐公也亦不入州府非惡彼而逃之彼先嫌我真耳為州府所嫌必為野人所許所以一歸茅宇無見與者况老病之人最忌拘束應接之煩更損精神今江村林木間意既放心亦適何快如之我暇日小園散病如此既居小園則有小園之事當此秋耕喜及山雨年來飢饉穀菜兩艱冬苦雖微可佐半飯趁此牛力方新數畝易辦深耕不後四鄰同時嘉蔬之名具陳無非秋菜春日之需可接何但禦冬山雨勻氣候得矣牛力新物力裕矣與四鄰而無後先人事齊矣接冬春而不置乏天時周矣我督勒耕牛種菜如此散病之餘忽見兩鶴橫空飛至一似同病相憐者彼泥中之芹至微且陋兩鶴啄之為苦饑也其散病而方種菜鵲苦飢而亦啄芹

耶其雄者尤可傷見其剛則垂也察其筋則露也迫而
視之血再流矣乃矧矢之加尚未已也志屈矣情哀矣
豈無鸞鳳誰肯相待亦有蒼天呼而不聞夫我方散病
不能自遣顧此老鶴亦復如斯能勿俯茲沙渚爲爾辛
酸我兼膏
觸目如此

峽隘

聞說江陵府雲沙靜渺然白魚如切玉朱橘不論錢水有

遠湖樹人今何處船

六句皆言江陵

青山各在眼却望峽中天

二句

點峽隘

我雖未至江陵府聞說此方雲沙縹緲卽如魚誇水族
有玉不如橘號木奴無錢亦得所爲極不忘其今江陵
之水其樹恍在遠湖江陵之人其船不知何處若論青
山江陵峽中亦各在眼乃江陵之天空曠絕人峽中之
天翠月擁塞如之何江陵則聞峽中却望未能舍之去
也○時公弟觀將卜居江陵必極道江陵風土之佳故

才言

日間說於江陵日間說欲往未得往於峽中曰却望欲去未得去人今何處船亦必指弟觀時歸藍田迎婦至

江陵

夜雨

小雨夜復客回風吹早秋野涼侵閉戶江滿帶維舟四句

通籍恨多病為郎忝薄遊二句夜雨二句天寒出巫峽醉別仲宣

樓二句預道

出峽之後
本小雨耳至夜復客遂有回風已覺早秋早則野涼
戶雖閉而涼氣亦入雨客則江滿舟雖維而江已遙侵
大抵遲暮之感多在於秋功名之心難忘於老我向通
籍朝廷既以多病調去嗣又為郎幕府復以薄遊不終
今秋氣初爽出峽有期此去倘到江陵亦一醉
卽別仲宣樓矣豈復踟躕此時日為汗漫遊哉

題

此足前章未盡意故曰更題

只應踏初雪騎馬發荊州

二句承上

直怕巫山雨真傷白帝秋

二句發明踏初雪句

羣公蒼玉佩天子翠雲裘同舍晨趨侍胡爲淹

此

四句申明發荊州句

天寒出巫峽則踏初雪矣醉別仲宣樓則發荊州矣夫我出巫峽不憚踏雪者怕巫山之雨傷白帝之秋也至於荊州即發不復淹留者以我曾通籍爲郎有趨侍至尊之職計此時羣公曳珮天子服裘未明視朝同舍趨侍我雖不以當從大夫之列若使出峽又留荊則有羈朝謁皇皇出峽亦無謂矣

見螢火

巫山秋夜螢火飛簾疎巧入坐人衣忽驚屋裏琴書冷復

亂簾前星宿稀却繞井欄添箇箇偶經花藥弄輝輝

六句見螢

火
滄江白髮愁看汝來歲如今歸未歸二句見

之情

地屬巫山時當秋夜螢火何堪到眼乃偏於簾疎處巧
人而坐人衣哉一坐人衣星裏琴書忽驚其冷隨飛簾
外簷前星宿頓覺其稀簷下有井螢添箇箇井邊有花
螢過輝輝於屋裏見之又於簷前見之於井欄見之又
於花葉見之螢火則追隨於屋裏簷前井欄花葉滄江
白髮之人看汝如此何以爲情今歲看汝巫山螢火永作羈客
汝何處但恐故園螢火終無見期巫山螢火永作羈客
我其如此螢火何○公呼螢火曰汝呼麋鹿曰爾愁人
無伴其
情如此

月

斷續巫山雨天河此夜新先言若無青嶂月愁殺白頭人

雨霽

烟艸移深樹蝦蟆動半輪四句故園當北斗直想照西秦

二句思
故鄉

巫山之雨。斷續不常。今錄矣。故天河耿耿。若新出然。因河望月。若非青嶂之月。照出閨山。幾令白頭之人。愁殺無地。幸天河新而月出。青嶂也。想其皎潔。題題應應。日未盈。蟾蜍已動。因月望斗。北斗之下。故閨在焉。北斗下直西秦。故閨適當其處。此時月光所及。應照見我杜曲。故盛惜乎。巫山之月。直照西秦。西秦之人。反在巫山之外。然則雖有青嶂。月此白頭人。亦祇增愁殺我哉。

寄劉峽州伯華使君四十韵

峽内多雲雨。秋來尚鬱蒸。遠山朝白帝。深水謁夷陵。遲暮嗟爲客。西南喜得朋。哀猿更起坐。落雁失飛騰。伏枕思瓊樹。臨軒對玉繩。青松寒不落。碧海潤逾澄。以上叙相思願見意昔歲

文爲理。羣公價盡增。家聲同令問。時論以儒稱。太后當朝肅多才。接迹昇翠虛。捐題題丹極。上鯢鵬。宴引春壺滿。恩

分夏簾冰雕章五色筆紫殿九華燈學並盧王敏書偕褚

薛能老兄真不墜小子獨無承

以上叙家聲老兄二句爲一篇間架

近有風

流作聊從月峽徵放蹄知赤驥振翅服蒼鷹卷軸來何晚

襟懷庶可憑會期吟諷數益破旅愁凝雕刻初誰料緘毫

欲自矜神融躡飛動戰勝洗侵凌妙取筌蹄棄高宜百萬

層白頭遺恨在青竹幾人登回首追談笑勞歌跼寢興年

華紛已失世故莽相仍

以上叙詩學以見劉能不墜我獨無承之意

刺史諸侯

貴郎官列宿應潘生驂閣遠黃霸璽書增乳贇號攀石飢

飢訴落藤藥囊親道士灰劫問胡僧憑久烏皮綻簪稀白

帽稜林居看蟻穴野食待魚留筋力交凋喪飄零免賊兢

皆爲百里宰正似六安丞

以上叙宦跡以見劉能不墜我獨無承之意

姁女繁

新裂丹砂冷舊秤但求椿壽永莫慮杞天崩鍊骨調情性

張兵撓棘矜養生終自惜伐數必全懲

以上論養生之道

政術甘

疎濶詞場愧服膺展懷詩頌魯割愛酒如澠咄咄率書字

冥冥欲避矰江湖多白鳥天地有青蠅

八句總結

雲雨鬱蒸猶幸山水雨我不隔朝白帝者朝白帝謂夷陵者謂夷陵雖嗟爲客差喜得朋耳嗟爲客者以我流落他鄉身如哀猿落雁喜得朋者以子玉繩瓊樹又如碧湖青松然不自今日始憶昔文運方隆羣公待價時劉杜家聲並膺令問朝野輿論皆以儒稱我祖與爾祖正值天后猶制多士策紅雖有題題之踪得兩公而絕跡主若鯢鵬之族得兩公而並升春壺特宴夏簞承恩彩筆時簪華燈當照蓋出天后愛才兩公多藝擅虛王之絕學兼諸薛之能書也家聲如此今日猶幸老兄不墜惜哉小子無承耳兄能不墜何如以言詩學風流近

作月峽微來其神駿如赤驥放蹄其矯健若蒼鷹振翅
 卷軸雖晚襟懷可憑而况吟詠正多旅愁應破良由雕
 刻入神纖毫靡憾也我知其才情飛動神融而能購之
 意氣侵凌戰勝而能洗之直搜其妙棄一切之筌蹄就
 比其高空白層之等級詩學如此能不墜矣若我顛毛
 徒自汗竹空青少壯幾時草木同腐昔年談笑回首難
 追此日寢興勞歌彌踟年華莫挽世故愈多欲如老兄
 何可得哉况兄職膺刺史本是諸侯出自郎官亦應列
 宿首生高閣奕奕連雲黃霸賜書頻頻增秩化行強暴
 使乳虎爭攀石而試澤及窮民俾飢饉附落藤而訴宦
 蹟如此能不墜矣若我病至而檢藥囊嘗親道士數盡
 而逢灰劫但問胡僧身世無恙已見烏皮之綻簪纓有
 忝生憐白帽之稜蟻穴嘗看何心謁蟻魚留雖待休想
 得魚筋力之凋喪可知飄泊之憂虞不免自分曾遊郎
 署百里之職可爲無奈出貶司功六安之承竟似宦蹟
 何如老兄哉夫親藥囊疾病且難却何况長生問灰劫
 世數且有盡同况人壽然而修煉之法亦可延齡養性
 之方無過絕欲彼真汞爲姤女隱在丹砂紫新果是真
 汞已得也冷醴拜得姤女而丹砂無用矣從此椿壽自
 永不藉藥囊天墜無憂何有灰劫然而鍊骨之法先調

情性兵衛國養衛生一也。代國之棘於伐性之斧斤一也。衛生者屏絕斧斤勿令伐性如張兵者視去棟脊不使侵軋所以然者壽有定數伐數卽伐壽養生者固貴自惜伐數者尤必全德凡屬傷生之事必盡絕而乃已此在我之多病與兄之同年者所當共勉也平生拙宦疎澗自甘詩學荒蕪服膺徒愧史克之詩頌魯爲君展懷齊侯之酒如澠因病割愛已灰心於拙宦何怪事而書空况世路嶮巇弋人當避乎江湖鷗鳥庶幾忘機天地青蠅不勝罔極我與老兄俱慎旃哉○公爲膳部孫嘗以不能繩武爲恨天寶年間進陽賦表中云明王執先祖之故事長泥塗之久辱繼而投簡咸華詩中遂有朝廷故舊禮數絕等句於承沈八丈詩中曰膳部嘿倭傷於贈蜀僧詩中曰歲久空深根而於此詩中曰小子獨無承不一而足養生而曰張兵猶論詩而曰戰勝作詩贈使君猶史克之頌魯侯齊侯投醴曰有酒如澠

草閣

草閣臨無地柴扉永不關

二句草閣

魚龍迴夜水星月動秋山

久露晴初濕高雲薄未還

四句草閣夜景

泛舟慙小婦飄泊損紅

顏

結二句偶見寓感

閣下卽江疑無地也柴扉不開門空設矣閣臨夜水魚龍自迴閣在秋山星月交動而況秋露初霽薄雲未返適見有泛舟之婦飄泊無依紅顏難保夫風塵飄泊易損紅顏小婦且然老夫可知矣

月

併照巫山出新窺楚水清

二句

羈棲愁裏見二十四回明

二句對必驗升沉體如知進退情不違銀漢落亦伴玉繩月之情

橫

四句承二十四句同句說

巫山一帶重巖疊嶂蔽虧日月非亭午夜分不見今照出巫山月正中也巫山在上楚水在下先照巫山後窺楚水併照無不照矣新窺此夜初窺也我自永泰元年八月自雲安來變至今依爲兩週於羈棲愁裏見此照

巫山窺楚水者二十四回矣此二十四回中時升時沉
無不驗也宜進宜退似有知也夫月之升沉必驗進退
有知如人之行藏出處不容冒昧彼銀漢至曉方沒月
與借沉玉繩竟夜常明月與俱明就一夜言日之升沉
進退有常如此二十四回可知矣○羈棲愁對二十四
猶守歲詩飛騰對四十上韋左丞詩四十春對軒轅代
曲江詩七十對尋常也註家謂
羈棲二句是十字句法未合

十七夜對月

秋月仍同夜十七江村獨老身對月捲簾還照客倚杖更

隨人二句承光射潛虬動明翻宿鳥頻茅齋依橘柚清切

露華新四句承

秋月已圓今夕何夕乃仍同夜也其如所照者乃江村
獨老之身何仍圓則還照客捲簾還照似憐獨老者然
仍圓則更隨人倚杖更隨似惜獨老者然而況月光所
及直射潛虬射焉欲動虬不安於潛矣月明所至直翻

宿鳥翻焉而頻鳥不安於宿矣獨老身猶潛乳宿鳥耳
寂寂茅齋空依橘柚露華得月清切更明然則秋月之
圓誠然不減獨老之身何以爲情哉

白露

白露團甘子清晨散馬蹄團開連石樹船渡入江溪

四句出甘

林憑几看魚樂迴鞭急鳥棲漸知秋實美幽徑恐多蹊

四句

林歸甘

林中甘子露團將熟我因清晨有江溪之興遂散馬蹄
而團團團開之處不樹交連江溪在前船渡而入將以
看魚樂也憑几而看不覺移日舍舟復馬遂已回鞭蓋
鳥已棲人可歸耳況清晨出林甘團白露秋實將美時
不可失而林間又多幽徑山蹊易迷尚早旋哉

孟氏

孟氏好兄弟養親惟小園

二句總

承顏胠手足坐客強盤餐

負米夕葵外讀書秋樹根

四句寫養親小園意

卜鄰慙近舍訓子覺

先門

二句歸美母氏

孟氏兄弟一為倉曹一為主簿皆食貧苦節而能養親者以胠手足供其視決不以不義之物為親甘旨如唐大孫性私賦民錢衣布以進其父也以養親之餘奉客盤餐如茅容殺雞奉舅自以草蔬與客同飯客亦有蹙然不安者不亦強與而況百里之外如季路負米而歸又往往至夕膳在葵也夫揚名顯親為人子事不讀書而養親農賈之養親耳孟氏兄弟讀書小園所難只在秋樹根邊仍不廢左右就養正不必千里負笈遊學遠親亦由母氏先是卜鄰慙居近舍不憚屢遷故訓子成名早達先賢之門耳非是母不生是子也○陸機園葵詩葵生鬱鬱葵萎夕類西南晞華應物種藥詩陰類夕房敏夕葵是力葵誤孟氏故用卜鄰事

驅豎子摘蒼耳

江上秋已分林中瘴猶劇畦丁告勞苦無以供日夕蓬莠

猶不焦野蔬暗泉石

大句洗發摘蒼耳之故

蒼耳况療風童兒且時

摘侵星驅之去爛熳任遠適放筐亭午際洗剝相蒙羈登

牀半生熟下筴還小益加點瓜薤間依稀橘奴跡

以上亂

世誅求急黎民糠粃窄飽食復何心荒哉膏粱客富家厨

肉臭戰地骸骨白寄語惡少年黃金且休擲

以上感時

秋已分暑氣退矣瘴猶劇地氣殊也宜畦丁告苦嘉蔬無色計此時惟有蒼耳况可療風童兒尚及時往摘哉侵星去不後時也任遠適處為求也洗剝而復蒙羈致濕也登牀敬其事也登牀而後下箸食之有序也以此之療風豈無小益雜諸瓜薤彷彿橘奴蒼耳療風橘奴治病異名同功也夫我有蒼耳以療風民無糠粃以療飢謀求迫我之飽食復何心黎民飢彼之膏粱更何意况

公明岐理於阮氏若致薨則曰衰年開爾冷味
無憂於催宗文樹雞樹則曰愈風傳烏雞秋卯方漫
於寄韋有夏則曰書信有柴胡飲子幾通汗茲於
摘蒼耳則曰卷耳况療風宜自命爲藥物楚老也

同元使君春陵行

覽道州元使君

結

春陵行兼賊退後示官吏作二首志

之曰當天子分憂之地效漢官良吏之日今盜賊未息
知民疾苦得結輩十數公落落然參錯天下爲邦伯萬
物吐氣天下少安可待矣不意復見比興體制微婉頓
挫之詞感而有詩增諸卷軸簡知我者不必寄元

遭亂髮盡白轉衰病相嬰沉綿盜賊際狼狽江漢行歎時
藥力薄爲客羸瘵成六句我人詩家秀博采世上名粲粲

元道州前賢畏後生觀乎春陵作歛見俊哲情復覽賊退
篇結也實國楨賈誼宜流勸匡衡常引經道州憂黎庶詞
氣浩縱橫兩章對秋月一字偕華星致君唐虞際純朴情
大庭何時降聖書用爾爲丹青獄訟久衰息豈惟偃甲兵
悵惻念誅求薄歛近休明乃知正人意不苟飛長纓涼颺
振南嶽之子寵若驚色沮金印大興含滄溟情以上覽道州春陵賊
退二作并發序中意我多長卿病日夕思朝廷肺枯渴太甚漂泊公
孫城嗔兒具紙筆隱几臨軒楹作詩呻吟內澹墨字欹傾
感彼危苦詞庶幾知者聽以上感而有詩簡知我者不必寄元意
我生遭亂襄病侵尋展轉避寇有此江漢之役非無藥力難挽羸形殆不能有爲矣博采其人粲粲獨秀惟元

道州爲後生可畏耳。一篇春陵作。見後。其詞縱橫。是知匡賈而秋。月同明。華星重。其心拂。其詞縱橫。是知匡賈而秋。月同明。華星重。爲案。案元道州耳。爲此二作者。其心實欲致君堯舜。治大庭。猶望聖書時降。置爾於神化丹青之地。庶幾刑措。豈但兵銷。卽萬物吐氣。天下少安。可待。乃徒托謠詠。詞誅求。思漸歛。良由正人之意。不苟仕進也。今日秋風已生。南岳伊邇。我知之乎。受寵若驚。懸金若泥。其典嘗在烟波。治溪間。夫豈就戀宦情者。若我雖無繫書丹青之想。亦切致君堯舜之思。其如多病淹留。欲續春陵賦。退一作自愧不能。聊作此詩。使天下邦伯皆知勸勉。不必寄元。○邑沮金印大興。含洽海情。卽元賊退篇中。引竿刺船。將家魚麥等句意。

寄狄明府博濟

梁公曾孫我姨弟。不見十年官濟濟。大賢之後竟陵遲。浩蕩古今同一體。比看伯叔四十人。有才無命百寮底。今者

兄弟一百人幾人卓絕秉周禮在汝更用文章爲長兄自

糾復天啓

以上叙明府

汝門請從曾翁說太后當朝多巧計狄

公執政在末年濁河中不污清濟國嗣初將付諸武公獨

廷諍守丹陛禁中決冊詔房陵前朝長老多流涕太宗社

稷一朝正漢官威儀重昭洗時危始識不世才誰謂荼苦

甘如蠶

以上追叙梁公

汝曹又宜裂土封身使門戶多旌榮胡爲

飄泊岷漢間干謁王侯頗歷詆況乃山高水有波秋風蕭

蕭露泥泥虎之飢下巉巖蛟之橫出清泚早歸來黃土污

人眼易眯

以上諷其干謁

明府非他人梁公曾孫也梁公曾孫非他人我姨弟也
一別十年薄宦如故多因喪亂以來故家舊族強半零

落雖大賢之后不能自振古今以來如一轍耳梁公
孫爲明府伯叔行者四十人兄弟行者一百人皆有才
無命假寒末寮以明府乘周禮文章卓絕與其長兄
爲白眉者或者天將啓之竟何如哉汝家門第起自
翁猶憶武后臨朝討獄以武易李梁公執政又晚滿朝
宵小如在濁河梁公清濟澄然獨別當武后以永嗣爲
太子梁公已延諍矣至若禁中央冊如中宗自房陵還
宮武后匿之帳中召梁公曰還卿儲君梁公降階泣賀
武后亟出中宗謂梁公曰還卿儲君梁公降階泣賀
而奏曰太子還宮無人知之物議安審是非武后乃復
置中宗於龍門具禮迎歸人情乃定卽此禁中央冊一
事使儲付定社稷安厥功偉矣蓋不遇時危大賢不見
良山人皆甘莠公獨茹荼耳假使當日朝廷皆北門學
士之流無梁公其人挺然不撓矢納約之忠則牝雞之
鳴何人敢折虞淵之目何人能捧將房州之駕不復廬
陵之號空存今日天下竟爲武氏天下言念及此梁公
之助何日忘之今國家內無女主篡竊之奸外無帝在
房州之禍梁公之績忽焉泯滅子孫之流離者不特裂
上無望梁公之績甚而干謁侯門遭人歷詆流俗之人
何知門第大賢之後亦當自愛處此山高水波秋風露

泥時不爲豺虎所傷則爲蛟螭所得誰曰此梁公子孫
乃大賢後也明府慎勿以清白子孫自徇黃土中哉
寄韓諫議注

今我不樂思岳陽身欲奮飛病在牀

二句寄詩之由

美人娟娟隔

秋水濯足洞庭望八荒鴻飛冥冥日月白青楓葉赤天雨

霜玉京羣帝集北斗或騎麒麟翳鳳凰芙蓉旌旗煙霧樂

影動倒景搖瀟湘星宮之君醉瓊漿羽人稀少不在傍

以

叙諫議遊於神仙

似聞昨者赤松子恐是漢代韓張良昔隨劉氏

定長安幃幄未改神慘傷國家成敗我豈敢色難腥腐餐

楓香

以上叙其托於神仙之故

周南留滯古莫惜南極老人應壽昌美

人胡爲隔秋水焉得置之貢玉堂

四句勉其

今我慨然不樂。忽思岳陽無奈病不能赴。何思岳陽者。思岳陽間有美人也。美人娟娟尚非投老之日。今在水一方。遙想美人。胡爲不濯纓而濯足耶。濯足洞庭矣。猶然望八荒。美人豈忘情天下者。如何鴻飛冥冥。投老青楓。赤葉間哉。此時美人不在玉堂上。應與玉京羣帝遊。玉京羣帝集於北斗者。或乘鸞或跨鳳。曳芙蓉旗。奏煙霧樂。羣帝如此。美人亦爲星宮之君。醉瓊漿。却羽人。得毋有遐心。天子者。然我想此星宮之君。非他人。是赤松子。爲漢張良也。昔隨劉氏。曾定閭中。帷幄未移。慘傷遂及。在美人之意。雖曰國家成敗。我豈敢與。惟是色難腥。腐愛餐楓香。故飄然爲衡岳遊。然周南留滯。自外終老。南極老人。定應昌期。胡爲娟娟然。隔秋水而不見。亮玉堂上。不可無此美人。誰爲置之。尚冀諸玉堂。爲天子參機務。贊客。使朝吏得聞讜言。則言路開。僉王沮。卽我心亦樂矣。美人豈有意否。○韓官居諫議。必直言。作時退老。衡岳公傷諫臣不用。勸其出而致君。不欲其老於江湖。徒托神仙。以自全也。首尾美人。中間星宮之君。赤松子。漢張良。南極老人。只一諫議。至云。恐是漢代韓張良。昔隨劉氏。定長安。必代宗爲太子時。定儲有功也。

魏將軍歌

將軍昔着從事衫鐵馬馳突重兩銜披堅執銳畧西極崑

崙月出東嶺巖

四句立功塞外

君門羽林萬猛士惡若哮虎子所

監

句微為羽林

五年起家列霜戟一日過海揚風帆

二句兼督水師以上

叙其官

平生流輩徒蠢蠢長安少年氣欲盡魏侯骨聳精爽

紫華嶽峯尖見秋隼星纏寶校金盤陀夜騎天駟超天河

機槍熒惑不敢動翠蕤雲梢相盪摩

以上叙其才

我為子起歌

都護酒酣拔劍肝膽露鈎陳蒼蒼玄武幕萬歲千秋奉明

主臨江節士安足數

五句期其晉秩

將軍今日已非從事往年起家曾着從事衫親馳鐵騎
直累吐蕃之西極崑崙月窟在西北而東嶺巖者將軍畧

地至西方之極。回首崑崙月窟。却在東也。將軍昔爲從
事時。立功塞外。有如此。未幾。徵爲羽林監。茲虎士五年
之閒。遂列霜戟。兼督水師。而海島諸寇。一日遂收。將軍
今日。以戰功。屢遷。有如此。宜乎。辟易流輩。使人氣。慄也。
而况。骨法。傑立。若華岳。峯尖。精神。爽聚。若秋。作搏。擊。騎。
此金鞍。寶校。之天駟。夜越。天河。若櫟。槍。若熒惑。不敢。擾。
亂。天河。內。但見。翠旌。雲梢。相爲。摩盪。將軍。昔若。從事。衫。
五年。起家。列霜戟。今也。我爲。子起。歌。都護。而酒。酣。拔劍。
肝膽。盡露。矣。彼鉤陳。星在。紫宮。外。玄武。爲羽林。垣。壘。今。
仰見。鉤陳。玄武。處。天子。在焉。將軍。肝膽。千秋。萬歲。長奉。
天子。古樂。府有。臨江。王節。士歌。云。彎弓。挂若木。長劍。竦。
雲端。旣爲。將軍。歌。都護。彼臨江。王節。士。又何足。爲。將軍。
歌。哉。羽林。天駟。櫟槍。熒惑。鉤陳。玄武。
皆星名。偶四星。纏寶校。遂連類。及之。

秋峽

江濤萬古峽

一句秋峽

肺氣久衰翁不寐防巴虎全生狎楚童

衣裳垂素髮門巷落丹楓常怪商山老

七句秋峽

感所

巫峽江濤已流萬古老翁肺氣亦屬久衰久衰則不寐
亦兼防巴虎也久衰何以全生亦聊狎楚童耳蓋巴虎
之侯常出意外防之足矣巴虎之有無何須問也楚童
之性純任天機狎之可也楚童之喜怒何庸心焉衣裳
之間任垂素髮門巷之外只落丹楓如此足矣勛業何
爲被商山四老紫芝一曲可以終身紛紛然出而羽翼
何其多事况人非園綺事異安劉乃欲跡比商山自誇
羽翼豈獨老翁齒冷亦爲楚童竊笑矣○當年靈武卽
位諸臣推戴原非商山四皓比紛紛論功自居羽翼以
逆節貪天功公所不取若公扈從還京反遭放逐秋江
老病回首傷心詩曰常怪商山老兼存羽翼功有以也
不但如張志和漁父詩翻嫌四皓曾多事出爲儲皇定
非是

日暮

牛羊下來久各已閉柴門

二句暮景

風月自清夜江山非故園

暮感 二句 石泉流暗壁草露滴秋根 二句 頭白燈明裏何須花

燼繁 二句 暮感

日之夕矣牛羊下來顧此柴門村村已閉况客居如我
此時豈無風月亦自清夜耳此處亦有江山其如非故
園何但見脈脈泉微流石壁清澗秋露直滴草根蓋
自柴門閉而白頭之人惟有明燈作伴矣以旅人當衰
暮明燈有烟感益傷心被花燼無情偏對白
頭而吐烟豈我故園之歸有期不可解也

月

四更山吐月殘夜水明樓塵匝元開鏡風簾自上鈎 四句

兔應疑鶴髮蟾亦戀貂裘斟酌姮娥寡天寒奈九秋 四句

情之

四更為殘夜此時月吐山邊光來樓內疑水明而非月
也蓋下句之月如半鏡然塵匝疑不開矣至是吐於山

何異半輪之出匣夫塵匣也元開鏡人自不能符以亦
 一鈎也風簾疑永下矣至是明於樓依然鈎影之上簾
 夫風簾也自上鈎一似無須人力者乃樓中之人已垂
 鵲髮鶴髮而猶對月兔應疑之疑其色與俱白也且着
 貂裘貂裘而還坐月蟾亦戀之戀其夜與俱寒也此鶴
 髮貂裘之人形影寡矣兔疑蟾戀為愁其寡耳况姮娥
 獨處我為姮娥斟酌當此天寒夜永何以遣此九秋耶
 季女斯飢婉孌自守姮娥寡處不恨九秋杜公幽貞
 可想見云

曉望

白帝更聲盡陽臺曉色分

二句曉

高峯寒上日登嶺宿霾雲

地坼江帆隱天清水葉聞

四句曉望之景

荆扉對麋鹿應共爾為

羣

二句曉望之情

白帝城頭更聲已盡楚王臺上曉色遂分遙見高峯寒
 日早上其餘夔嶺宿雲尚霾此曉望之可見者至若地

坼兩崖。帆行若隱。此爲意中之形。天清萬里。葉飛偶聞。此爲意中之聲。曉望之不見者。又如此。於時麋鹿警夜。先曉而遊。旅人苦夜。當曉而起。茫茫身世。烏獸同羣耶。

別李秘書始興寺所居

不見秘書心若失。及見秘書失心疾。安爲動主理信然。我

獨覺子神充實。

四句見李秘書

重聞西方止觀經。老身古寺風泠

泠。妻兒待米且歸去。他日杖藜來細聽。

四句別秘書

我不見秘書。此心若失。是心疾矣。今一見秘書。心疾頓失。夫心若失。心不安。可知。失心疾。卽心得安。可知。尚書曰。安汝止。安爲動主。其理信然。大抵物動則耗。去動專靜。則又枯槁而寂寞。深山不言。而寶藏興。大澤無爲。而龍蛇生。安故也。戶樞久用。而木嘗朽。流水嘗行。而未嘗腐。動故也。安以至動。則外不搖。內常固。且所貴乎充實者。惟其神不惟其形。膚革榮華。扁鵲倉公。望之却走者。形尸走肉。神已喪也。土木形骸。以爲珠藏。澤媚玉韞。山

輝者神自腴也。安以主動則神能充實。獨覺秘書能然。彼西方有止觀經。止觀者即安為勸主之義。我幸重聞止觀經而乃亟歸者。古寺秋深。冷冷早寒。妻孥在家。秋飢不免。會須他日。杖藜再來。細聽止觀經之理可也。○安為勸主。指心言。故起二句。即捐心字。

九月一日過孟十二倉曹十四王簿兄弟

藜杖侵寒露。蓬門啓曙煙。力稀經樹歇。老困撥書眠。四句過孟氏

秋覺追隨盡。來因孝友偏。清談見滋味。爾輩可忘年。四句

過孟氏之故

九月一日秋露已寒。我侵晨杖藜。早見孟氏蓬門已啓。烟裏我在道時。因力稀而經樹常歇。我既到時。為老困而撥書遂眠。想孟氏謂讀小周。擁書萬卷。故今日為我撥書而眠耳。回首追隨以來。不覺九月一日。已是寒露。秋將盡矣。所不惜杖藜來此者。祇緣孟氏兄弟孝友。過人。况兼食貧。可與清談。兩兄弟讀書秋樹。亮必有得清。

談滋味較勝盤餐宜
與爾爲忘年交哉

過客相尋

窮老真無事江山可定居

二句相尋之由

地幽忘盥櫛客至罷琴

書

二句相尋

挂壁移篋果呼兒問煮魚

二句待客

時聞繫舟楫及此

問吾廬

結挽定居意

窮老何事哉江山非故園

似可定居者定居則我爲

地主雖地幽而盥櫛都忘乃客至而琴書亦輟也何以待客幸也定居於山喜有山果惟篋在壁爲客而移定居於江亦有江魚誰能烹魚呼兒而問此後頻有來訪

者窮老真可無事江山信可定居已

孟倉曹步趾領酒簪二物滿器見遺老夫

楚岸道秋殿胡牀面夕畦藉糟分汁滓壘醬落提携

四句見遺

飯糲添香味朋來有醉泥理生却免俗方法報山妻

四句

倉曹步趾自楚岸來我坐胡床於夕畦上適見之倉曹
來此蓋見造酒醬之故凡酒已沸者為清未沸者為醴
以清與糟配者為醴汁則清滓則糟藉糟而分汁滓倉
曹所遺者去滓存汁也周禮醬用一百二十糲計醬必
以糲倉曹見遺亦然步趾而來提攜方落二物滿器醬
糲酒和是矣醬以佐飯酒以衍賓二物從俗理生不免
倉曹孝友其家人酒醬是議必有合於古法者永報山
妻治此二物敢煩亟餽哉○藉即易藉用白茅之藉

課小豎鉏斫舍北果林枝蔓荒穢淨訖移牀三首

病枕依茅棟荒鉏淨果林

二句叙
題已畢

背堂資僻遠在野地清

深山雉防求敵

承資僻
遠句

江猿應獨吟

承興清
深句

洩雲高不去

隱几亦無心

結枕
病枕

我病枕須依茅棟安得不亟為移牀計其舍北果林
既枝蔓又荒穢何計非鉏斫淨此不可舍北則背堂移

狀其處可資僻遠舍北則在野移牀其處與益清深所以資僻遠者我無競心畏其求教非防山雉所以與清深者與誰倡和應我獨吟但有江猿此時洩雲不去窺然若迷洩雲無心也隱凡何為嗒然若喪洩雲無心隱凡者亦無心病枕其得所依矣

衆壑生寒早長林卷霧齊

二句含北

青蟲懸就日朱果落封泥

二句由澤

薄俗防人面全身學馬蹄

二句即前章山雉江猿意

只詩坐

回首隨意葛巾低

二句即前章隱凡無心意

衆壑當秋生寒最早長林方曉卷霧能齊霧卷則日出前此伎藝未去不見青蟲枝蔓去青蟲之懸者方始就日日出則泥乾前此荒穢未除不見朱果荒穢除朱果之落者宛在封泥舍北朝景如此至於防俗薄者直防人而蓋人心不同如其面也學全身者須學馬蹄莊生馬蹄篇所謂馬之真性在於蔽草飲水耳於是吟詩吟詩而回首者防患之至也回首葛巾任其低者隨意自適也利枕真得所依矣

辭扉門何向沙虛岸只摧

二句
舍北

日斜魚更食客散鳥還來

寒水光難定秋山響易哀

四句
晚景

天涯稍曛黑倚杖更徘徊

結意

同前

離以支門離弱則門誰向沙以支岸沙虛則岸只摧日
斜而見魚食者魚晚飢也客散而后鳥來者鳥遊人耳
寒水原定其光若搖秋山何哀其聲偏若未幾天涯隳
黑倚杖徘徊意何爲者始而隱几看雲纔而吟詩回首
終而倚杖徘徊我資僻遠與
清深如此病枕終得所依矣

溪上

峽內淹留客溪邊四五家

二句
溪上

古苔生迳地秋竹隱疎花

二句
溪上

景 寒俗人無井山田飯有沙

二句
溪上事

西江使船至時

復明京華

二句
溪上

此客何客。乃淹留客也。今住溪邊。亦只四五家耳。四五家。非盡淹留客。乃淹留客。依此四五家。則此淹留客。竟爲四五家中一人矣。溪上地逼古苔。獨生溪上花。稀秋竹。偏隱。惟是塞俗無井。幸而家在溪邊。活水得免山飯。有沙。幸而人住溪邊。漸米無憂。况溪連大江。使船時泊。京華消息。訪問可知。誰謂峽內淹留客。耳目止於峽內。溪邊四五家所見。聞不出四五家哉。

中夜

中夜江山靜。危樓望北辰。

二句望北

長爲萬里客。有愧百年身。

二句望北

故國風雲氣。高堂戰伐塵。

二句望北

胡雛負恩。

澤嗟爾太平人。

二句望北

當此中夜。江山寂歷。危樓中人。惟有北辰。可依彼北辰。爲君象。若之何。長爲萬里客。終遠北辰耶。我身遠北辰。是此身不爲君父用。踵頂皆虛。百年之身。誠爲有忝。遙想故國風雲。其氣未靖。高堂戰伐。其塵未清。顧此故國。

高堂正我所望北辰之處昔年全盛彼都人士生長太平何至於今風雲戡伐撥攘未已揆厥禍源痛心切齒於祿山之負恩澤也流離客子瞻望北辰為此故耳

復愁十二首

公未嘗有釋愁之日云復愁者愁反覆未有已也非曾釋愁復愁之謂乃前已愁復愁之謂

人煙生僻處

地險

虎跡過新蹄

境險

野鶻翻窺草

物機險

村船逆

上溪

人事險

煙生僻處人稀矣虎過新蹄虎未遠也翻身窺草物有殺機逆水上船人有危機故可愁

釣艇收緝盡

愁在盡字

昏鴉接翅稀

愁在稀字

月生初畫扇

愁在初字

雪

細不成衣

愁在細字

收緝盡不復有為矣接翅稀無枝可棲矣月初生光明不能普照猶細覆庇豈能及物故可愁

萬國尚防寇故園今若何二句昔歸相識少早已戰場多

合二句

今日萬國寇亂未平我故園亦在萬國內未知今日若何耳我日華州歸來都時故園之人相識已少故園之地戰伐已多數年來必有甚於時昔者焉得不愁

身覺省郎在家須農事歸二句年深荒草徑老恐失柴扉

二句思歸之故

省郎尚在似可趨朝然今日思歸者非為趨朝為農事也今不歸農年益深草徑終荒人愈老柴扉竟失愁彌耳其

金絲鏤箭鏃皂尾掣旗竿二句一自風塵起猶嗟行路難

二句武備不足

金絲箭皂尾旗皆武備也金絲皂尾器非不精乃風塵一起行路爲難武備不足恃矣此往事之可愁者

正觀銅牙弩開元錦獸張二句舊物花門小箭好此物棄沙場

二句得新棄舊之感

祖宗設弧矢以威天下以言貞觀自有銅牙勁弩卽言開元亦有錦獸張焉用花門小箭爲自肅宗用回紇兵以討賊遂以花門小箭爲好使先朝法物盡置不用亦可傷也○當年朝廷棄老成任新進舊臣宿將盡置廢斥少年後生得時用事公特寓感於花門箭按史收東京時郭子儀戰不利回紇於黃埃中發十餘矢賊驚顧曰回紇至矣遂潰花門小箭此一証也努以足踏者曰蹶張

胡虜何曾盛干戈不肯休愁在不閭闔聽小子談笑覓封

侯二句不肯休之故

花門小箭雖好亦何嘗盛朝廷用兵自不休耳因而人心競武閭闔小子皆翹翹然有封侯之想以爲談笑可

覓奈何不銷兵哉○此詩見人心喜亂卽如僕固懷恩
恐賊平寵養奏留薛嵩等分帥河北自爲黨援正是干
戈不肯休意公於明皇時武備廢弛則曰將軍不好武
揮子總能文於代宗時人心喜亂則曰聞聞聽小子談
笑覓封侯

今日翔麟馬先宜駕鼓車無勞問河北諸將覺榮華四句諷辭

今日朝廷何如意者馬駕鼓車示不復用而况河北諸
將入朝后各享茅土已覺榮華亮無勞遣師問罪哉○
唐子孫不能以天下取河北識者傷之此曰無勞問河
北何也亦屬諷辭卽有感章大君先息戰憂府一章人
憶止戈疑諷殿

任轉江淮粟休添漢苑兵二句裁由來貔虎士不滿鳳凰

城二句當

裁之故裁其自禁軍始蓋兵多則餉匱今日朝廷粟米取給江
淮以贍鎮兵且不足我意江淮之粟任爾轉輸禁苑之

兵休得添設所以然者天子有道守在四夷由來鳳城
不煩虎旅不獨清宿衛亦以省支給也○當時漕運賦
給江淮故史有唐得江淮財濟中興之語劉晏均節賦
役每歲運江淮米數十萬石以給關中若使宿衛冗軍
不裁立見其匱也此獨孤及有傾天下之財給不用之
兵等語至唐制府兵有為兵之利無養兵之害田不井
而兵藏於民最為近古自張說建議請召募壯士充宿
衛更番上下兵農遂分乃神策軍尤為非古時魚朝恩
以神策軍屯禁中分為左右兩居北軍右公曰由來貌
虎士不滿鳳凰城隱述祖制以諷時事其後中官典兵
卒以亡唐

江上亦秋色火雲終不移巫山猶錦樹承秋色句南國且黃鸝

承火雲句

江上秋色未嘗不同江上火雲終不肯去亦秋色所以
巫山錦樹原多赤葉終不移所以南國黃鸝其啼聲尚
似初

每恨陶彭澤無錢對菊花二句有如今九日至自覺酒須

賒二句無

錢有酒

陶彭澤東籬把菊千古快心至今思之猶恨其無錢買酒空對菊花耳如今九日已至有酒可賒亦似彭澤無

錢買於東籬無

酒何恨之有

病減詩仍拙吟多意有餘二句以莫看江總老猶被賞時

詩釋愁

魚二句以起

朝釋愁

病減則詩宜工其如仍拙何吟多則意宜竭豈知意有餘也我雖老病趨朝之興尚未能忘世人莫道江總歸老已成白頭須知賞時銀魚至今猶在何愁之有○復愁十二章結穴於此是以望治意迫為趨朝想也

搖落

搖落巫山暮寒江東北流煙塵多戰鼓風浪少行舟四句

搖落

之驚費義之墨貂餘季子裘長懷報明主臥病復高秋

四句

搖落之感

草木搖落巫山秋暮矣况江水初寒亦向東北長流乎當此烟塵未靖戰鼓連天風浪方興行舟絕迹何以遣此或者文章可經國乃雖有筆墨不過換醫之資或者族况不甚貧乃黃金已盡祗有敝貂之剩若論此心長懷報主豈料年年臥病忽忽高秋雖有長懷空縈方寸亦付之搖落一歎而已○公善書壯遊詩云九齡成大字此詩發費義之墨亦學書無用意

九日五首

五章爲一時之作隨興所至體各不同首思弟妹次思君三思故友四思故國末總結

重陽獨酌杯中酒抱病起登江上臺

二句總起

竹葉於人既無

分菊花從此不須開

二句承獨酌

殊方落日玄猿哭舊國霜前

白雁來弟妹蕭條各何在干戈衰謝兩相催

四句承登臺

首章着眼弟妹蕭條各何在一句重陽之酒堪酌也今舉日何人不過獨酌况抱病亦不得已強登江上臺耳夫酒難獨酌重陽而獨酌竹葉雖清即謂無分可也酌酒看花竹葉既無分紛紛菊花又為誰而開哉此時登臺西日已落玄猿哭我安得不哭白雁來弟妹何以不來又是幾行玄猿哭我安得不哭白雁來弟妹何以不來遙想弟在一方妹在一方不能來者多為干戈之故不能往者又因衰謝之年干戈衰謝兩兩相催登臺所感始於弟妹有如此○思弟妹思君思故友思故國皆在登臺一望中故首章以此句起日抱病起登江上臺末章以此句應曰百年多病獨登臺

舊日重陽日傳杯不放杯即今蓬鬢改但媿菊花開

四句承前

竹葉菊

北闕心長戀西江首獨回茱萸賜朝士難得一枝

花說

四句發明來前截意

沙立看眼北關心長戀一句今日酒無分矣猶憶曠
昔重陽何嘗獨酌亦曾傳杯飲矣此日看花不傷蓬鬢
今傳杯無分雙鬢飛蓬我云菊花從此不須開誠愧之
至耳所以然者身在西江心依北關雖蓬萊日遠尚有
丹心奈巫峽終羈空回白首當此九秋令節正至尊頒
賜茱萸之日我昔叨侍從繼授郎官若論朝臣亦應沾
賜但自分放廢禮數久絕又安得茱萸一枝
向日邊來哉登臺所感次及君父有如此

舊與蘇司業兼隨鄭廣文采花香泛泛坐客醉紛紛又承上章

傳杯四野樹欹還倚秋砧醒更聞以上歡娛兩冥冥西北

有孤雲二句

感今

三章若眼舊與蘇司業二句我舊與傳杯共飲者何
人蘇司業外又有鄭廣文矣我與爲登高之會采花則
香泛泛此日菊花何必不開坐客則醉紛紛此時竹葉
何嘗無分既醉矣掌掌野樹欹而還倚既倚矣何處秋
砧醒而更聞舊與故人歡娛如此今兩人長逝其成真
莫西北一望但有孤雲登臺所感次及故交有如此

故里樊川菊登高素漣源他時一笑後今日幾人存四句承蘇
遊說巫峽蟠江路終南對國門繫舟身萬里伏枕淚雙痕

感之

川章著思終南對國門一可我與蘇鄭舊日采花故
里仕宦之樊川菊是也登高亦即在素漣源耳此時一
笑不知難得此時幾人自謂百年誰料一笑竟成隔世
幾人遂零落殆盡乎故人已矣故國還在雖竄身巫峽
江路空蟠乃遙想國門終南在賊無奈孤舟一繫臥病
經年何今日客中裁帽不似參軍兒輩呼尊已無酒伴
可憐九日對此羣盜夫羣盜可恨心事堪論夫豈投老
巫峽終留故國勿問耶登臺所感終及故國有如此

風急天高猿嘯哀渚清沙白鳥飛迴無邊落木蕭蕭下不

盡長江滾滾來

四句總收萬里悲秋長作客百年多病獨

登臺艱難苦恨繁霜鬢潦倒新停濁酒杯

四句總收九日感懷

末章總收

猿啼斷腸矣嘯則更哀鳥飛遠去矣四復

何意風急天高際不獨猿嘯哀耳落木無邊亦蕭蕭交

下渚清沙白間不獨鳥飛回也長江不盡亦滾滾爭來

當此萬里他鄉一身老病江上之臺何忍獨登哉坐使

雙鬢蕭條繁霜頓滿平生就酒至是潦倒新停也竹葉

於人既無分則一停傳杯不放杯不可復得則又傳杯

鄭逝而酒徒寂寞則又停從兒具綠尊而佳辰對羣盜

則終於停然則重陽獨酌杯中酒亦潦倒新停濁酒杯

耳萬感交集何能已已○相傳九日五首缺一首遺蔡

以此章足之予詳五首語意原自聯貫故湯為紀開

季秋江村

喬木村墟古疎籬野蔓懸

二句江村

素琴將暇日白首望霜天

二句

登俎黃柑重支牀錦石圓遠遊雖寂寞難見此山川

四句

客况

江上村墟喬木何古村墟籬落野蔓爲懸當此季秋日
云巖矣素琴將之庶不虛度天降霜矣白首望之亦覺
有情惟是邈無他物登甘獨重然已折脚支石偏圓寂
寞甚矣然我遠遊之意原在山川若非遠遊此巫山巫
峽亦焉得而寓目也○公方圖出峽反曰難見此山川
則知出峽之故非爲山川不可居公峽中覽物詩言之
矣形勝有餘風土惡

杜詩閣卷二十七終

杜詩闡第二十八卷目

暮歸

送孟倉曹

覓土婁莊

耳聾

小園

夜

酬薛判官

送李秘書

贈李秘書

送韋中丞

聞惠子過東溪

大覺

賀陽城郡王

可歎

移居東屯

簡吳郎

又呈吳郎

題栢大山居

覃山人

栢學士

東屯月夜

東屯北巘

夜

茅堂收稻

歸

秋野

傷秋

雨

秋清

瞿唐兩崖

暝

雲

晨雨

天池

卽事

獨坐

雨

返照

向夕

九月三十日

十月一日

戲作俳諧

杜詩闡卷二十八

同學王日藻却非氏閨

華亭盧元昌文子氏述

武林弟 璉漢華氏訂

夔州詩 大曆二年

暮歸

題曰暮歸實歎
故園不得歸

霜黃碧梧白鶴棲城上
擊柝復烏啼客子入門月皎皎誰

家搗練風淒淒

四句暮
歸景物

南渡桂水闕舟楫北歸秦川多鼓

鞞年過半百不稱意明日看雲還杖藜

四句暮
歸情事

梧葉經霜而黃白鶴亦次第而棲此時白帝城頭更聲
早發乃擊柝之際夜烏復啼白鶴棲客子亦入門雖則
入門依然然客子也月徒皎皎耳夜烏啼揭練之聲亦急
雖則揭練不知爲誰授衣也風誠淒淒矣我暮歸時聞
見如此然我心所期者將欲下江陵南渡桂水由桂水
北歸秦川始稱我意必舟楫具然後可南渡必鼓鞞志
然後可北歸舟楫闕鼓鞞多將南渡北歸之意終何日
稱我本客子暮入門朝出門何日不杖藜也明日杖藜
還復看雲我雖不得南渡且看雲之南行我雖不
得北歸且看雲之北往年過半百稱意果何日哉

送孟十二倉曹赴東京選

東京之選昔年朝廷以歲旱穀貴選人路費不給通
其法於洛川大曆猶循其例倉曹貧者宜赴此選

君行別老親此去苦家貧藻鏡留連客江山憔悴人四句送赴

東京選秋風楚竹冷夜雪顰梅春朝夕高堂念應宜綵服新

四句望其早旋

倉曹親老何有此行詎苦家貧冀祿養耳此去赴選行
待於選司者之藻鏡他日留連固不免也此行別親遠
涉夫陟岵者之江山今日憔悴亦可知也去日秋風親
舍之地楚竹已冷到時夜雪東京之處聲嘶已春秋而
忽冬冬而又春歲月屢更門閭應倚屈指
此際亦宜釋褐就選衣綵服歸省老親也

憑孟倉曹將書覓土婁舊莊

平居喪亂後不到洛陽岑爲歷雲山問無辭荆棘深

四句憑倉

曹覓北風黃葉下南浦白頭吟十載江湖客茫茫遲暮心

四句述將書覓莊意

我舊在洛陽土婁喪亂以來久不復到雲山深處荆
榛可知幸倉曹有赴選之役得乘便將我書也彼舊莊
有人王守倉曹爲我歷雲山而訪問縱使舊徑難尋無
辭披荆涉棘深入其地在彼廬墓之處北風蕭蕭黃葉
應滿地也在此留人南浦悠悠白頭空自吟耳止
因十載漂泊歸計茫茫豈曰江湖之客終遠土婁遲暮

之心竟置荆棘勿問哉○柳子厚謫永州致書許京兆
舉卒於善和里杜少陵客夔州寄書孟倉曹殷殷於士
男舊莊其情一也

耳聾

生年鵲冠子歎世鹿皮翁二句耳眼復幾時暗耳從前月

聾二句耳猿鳴秋淚缺雀噪晚愁空黃葉驚山樹啼兒問朔

風四句耳

彼鵲冠子老而忘年代之生年已如此子彼鹿皮翁隱
居商川免於陷溺我之歎世亦如此翁生年如此不已
老乎歎世如此有何樂乎宜眼先暗不幸未暗尚見天
下人也宜耳亦聾幸而早聾不聞天下事也即如聽猿
鳴則下淚聞雀噪則添愁耳之累人者多如此類今猿
自鳴雀自噪我之秋淚晚愁則已歎已空所恨日未暗
睹落葉忽驚且喜耳先聾并朔風不覺也○鳥雀噪行
人至何以曰愁有時不聾則愁問朔風正爲不聞落葉聲

小園

由來巫峽水本是楚人家

二句小園之處

客病留因藥春深買爲

花

二句小園之故

秋庭風落果灤岸雨頽沙問俗營寒事將詩待

物華

四句小園之事

巫峽楚地其爲楚人家舊矣我非楚人留此小園者客

病因可蒔藥耳買此小園者春深爲可種花耳今日果落隨風樹宜培也沙頽因雨墮宜防也此皆寒事既爲楚人則有楚俗及今問俗而營將來物華竟可吟詩以

待矣

夜

絕岸風威動寒房燭影微

二句

嶺猿霜外宿江鳥夜深飛

句獨坐親雄劍哀歌歎短衣煙塵繞閭闔白首壯心違

四句
夜感

風來絕岸燭影在有無間如何帶上哀猿霜天獨宿江
邊孤島靜夜還飛也我其似之此時張華雄劍顧影獨
親寄戚短衣哀歌誰和而况閨閣之間烟塵未靖庶幾
撫雄劍着短衣為天子掃煙塵清閨閣烈士暮年壯心
不已無奈平生意
氣白首坐清也

奉酬薛十二丈判官見贈

忽忽峽中睡悲風方一醒西來有好鳥為我下青冥羽毛
淨白雪慘澹飛雲汀既蒙主人顧舉酬嘆孤亭持以比佳
士及此慰揚舲以上借好鳥以
慰判官之來清文動哀玉見道發新硯

欲學鴟夷子待勒燕山銘誰重斬郢劍致君君未聽以上
叙判

官見贈之詩以見
款有為而未遇志在麒麟閣無心雪母屏卓氏近新寡

豪家朱門局相如才調逸銀漢會雙星客來洗粉黛日暮

拾流螢不是無膏火勸郎勤六經

以上敘判官得新娶之賢

老夫自汲

澗野水日泠泠我歎黑頭白君看銀印青臥病識山鬼爲

農知地形誰矜錦帳坐苦厭食魚腥

以上自敘應上志在麒麟閣一段

東

南兩岸圻橫水注滄溟碧色忽惆悵風雷搜百靈空中右

白虎赤節引娉婷自云帝里女嚶雨鳳凰翎襄王薄行跡

莫學今威丁

一作冷如丁

千秋一拭淚夢覺有微馨人生相感

動金石兩青熒

以上借鳳凰遶鶴以比新婚之女應還忽忽峽中睡一段

丈人但安坐

休辨渭與涇龍蛇尙格鬪灑血暗郊垌我聞聰明王治國

用輕刑銷兵鑄農器今古歲方寧文王日儉德俊乂始盈

庭榮華貴少壯豈食楚江萍

以上勉判官出而致君應還清文動哀玉一段

我今忽忽然峽中方懸風來忽醒盍有爲也西來
好鳥乘風鼓翼爲我而下青冥耳此鳥羽毛如雪其情
慘澹當其飛來欲邀顧盼及其既顧舉翮不留鳥真好
矣持比判官亦足慰其揚舲之心爲我少住否判官所
贈詩清文朗朗如扣哀玉見道鑿鑿如發新硯正當摩
厲以須何爲忽發鴟夷之想雖欲揚舲而去其如正待
燕然之銘所可惜者有斬邛支之劍卽燕然不難勒乃
欲致之君君未肯用也今方新娶在判官雖學鴟夷之
泛五湖其志原在麒麟閣上雖慕五湖之載西施其心
豈在雲母屏風琴心之挑必無之也止因卓氏新寡朱
門乏耦慕長卿才赴牛女期耳而况甘貧洗孟光之脂
粉勸讀拾車胤之流螢其賢如此臨卽之事何必諱言
若老夫者躬汲澗泉親操井臼自歎白頭豈有雙星之
慕羨爾銀印正諸雲母之緣臥病而山見爲鄰學農而
地形徒識郎官錦帳曾坐誰憐楚澤魚腥非魴奚慕老
夫已矣判官遇合更有甚奇者我見兩岸圻而橫水注
碧雲動而風雷起始焉峽中懸悲風來正其時也遙見
空中白虎引節遂有神女來自帝鄉蓋判官爲好鳥之

來則此女自作鳳凰之配夫豈襄王陽臺徒然雲雨令
厥仙裾得比鳳凰彼襄王今成不過夢幻恍惚之事傳
之猶爲佳話今日臨邛遇合猶是人間嘉耦且夫人生
感動金石青瑩判官固無心於雲屏屏亦有志於麒麟
閣矣判官但坐且漫揚舠處今之世清濁無分龍蛇正
閭側聞聖天子聰哲仁慈省刑息戢天下務本又安有
日儉德章師濟集判官乘此少壯出而致君榮華曷有
極耶豈若老夫魚腥雖厭還食楚江之萍也○雲屏屏
切新婚趙飛燕亦遣女弟昭儀雲屏屏風註家必引鄭
弘事殊迂○儉德爲中典之本伊尹訓太甲曰慎乃儉
德公於代宗有惑章曰不過行儉德提封章曰何如儉
德臨往在章曰君臣節儉足至是始曰文王日儉德每
飯不忘君父於此等處見之

送李八秘書赴杜相公幕

青簾白舫益州來巫峽秋濤天地迴石出倒聽楓葉下槽

搖背指菊花開

四句叙秘書之來

貪趨相府今晨發恐失佳期後

木言

命催南極一星朝北斗五雲多處是三台

四句赴相公幕

秘書彩鷁自成都來一時坐峽崢嶸秋濤雄壯天地為旋轉矣舟行巫峽中石出嵯峨楓葉在上者倒聽其落舟行秋濤中櫓搖迅速菊花在後者背指其開此行何汲汲哉良由貪趨相府恐失佳期也相公於六月自成都入朝是南極一星方朝北斗今日想見五雲深處相公已作三台星秘書入幕正在五雲三台處矣○鴻漸平蜀資秘書謀入朝辟用故有此行過瀘頭堆冬水落則石出

贈李秘書別三十韵

往時中補右扈蹕上元初反氣陵行在妖星下直廬六龍
賂漢闕萬騎畧姚墟玄朔回天步神都憶帝車一戎纔汗
馬百姓免為魚通籍蟠螭印羞肩列鳳輿事殊迎代邸喜
異貨朱虛寇盜方歸順乾坤欲晏如以上叙秘書不才同扈蹕之功

補袞奉詔許牽裾鴛鴦叨雲閣麒麟滯玉除文園多病後

中散舊交疎飄泊哀相見平生意有餘風煙巫峽遠臺榭

楚宮虛觸目非論故新文尚起予

以上叙與李相見之由

清秋凋碧

柳別浦落紅藥消息多旗幟經過歎里閭戰連唇齒國軍

急羽毛書

四句時事

幕府籌頻問山家藥正鋤

公自任秘書比臥青城山中

台星入朝謁使節有吹噓西蜀災長弭南翁憤始攄對敷

抗士卒乾沒費倉儲勢藉兵須用功無禮忽諸御鞍金腰

裏宮研玉蟾蜍拜舞銀鈎落恩波錦帕舒

以上叙秘書入朝

此行

非不濟良友昔相於去掉依顏色沿流想疾徐沉綿疲井

臼倚薄似樵蘇乞米煩佳客鈔詩聽小胥杜陵斜晚照漏

水帶寒淞莫話清溪髮蕭蕭白映梳

以上自序
兼送李

猶憶往時秘書官中書省之右補闕扈上蹕於建元初也先是祿山反氣直陵行在萐李妖星竟下直殿上皇出奔騰漢闕而已達肅宗駐蹕畧姚墟而未平已而大駕還帝車返戎衣一著民免其魚秘書此時通籍承明差肩侍御在秘書佐肅宗原殊周勃之迎代郎卽肅宗眷秘書亦異文帝之賞朱虛冠盜息乾坤平秘書扈蹕之功如此我時同官亦叨扈從乃牽裾櫻怒竟出司功鴛鴦不終麒麟亦滯遂使文園病久中散交疎幸而漂泊餘生重來相見平生生意氣尚未消磨惟是巫峽隔山風烟浩渺楚宮臺榭雲雨荒涼故舊久矣無人起予幸而有作當此碧柳凋紅蕖落蜀中多故草堂再墟夔當唇齒之交尤屬羽書之急幸而相公出鎮秘書効謀旣輸前席之議遠鍾青瑱之藥而忽蒙薦辟今日復有此行也台呈入詞使節吹噓意在長弭蜀吳方使南翁快意在秘書揣摩有素練達多年此行以地方情形入告必將論蜀中之師已老何以使其不排蜀中之財已匱何以使其不竭勢之所藉非兵不克功之所無在禮宜除則勞不誦而兵精實不濫而費省矣似此入對必膺

帝寵有何不濟哉所難為情者良友如予昔亦自歎非曰親操漁樵為伍向人指困更僕鈔書困乏甚矣遙想秘書到時仕陵故丘正低晚照瀉水舊岸已結寒冰倘遇長安故人幸勿道清溪野老白髮蕭疎已無意國家大事也○事跡迎代即見得玄肅為父子父統傳子一定不易諸臣以代即祝肅宗為謬瀉水為公所居處杜牧期遊樊川詩有杜村連瀉水句

奉送韋中丞之晉赴湖南

龍渥徵黃漸權宜借寇頻湖南安背水峽內憶行春以上送韋

赴湖而王室仍多故蒼生倚大臣還將徐孺榻處處待高人

勉之四句

漢潁川太守黃霸徵入為京兆尹中丞前刺峽州朝廷之寵渥矣是為徵黃之漸今日借寇量移湖南亦權宜耳所以借寇者只因湖南之地形勢背水地屬險要界接夷獠非中丞不足安之况峽內行春政聲素著今日

湖南之役舍中丞其誰哉若論王室如此多故中丞亟
宜內召惟是蒼生至願大臣今日且爲岳牧尤望此行
得人其理如徐孺子者何處無之中丞能爲
陳蕃則王室蒼生胥賴復黃之漸真不遠也

聞惠子過東溪

惠子白驢瘦歸溪惟病身皇天無老眼空谷滯斯人

四句傷之

崖蜜松花熟山杯竹葉春柴門了生事黃綺未稱臣

四句慰之

惠子病矣白驢亦瘦今歸東溪惟一病身彼明明在上
臨亦有光豈無老眼外別賢否斯人何人困於空谷謂
無老眼可也今歸東溪遙想崖上松花蜂蜜已熟山間
竹葉杯酒生春柴門生事不過如此黃綺事業竟何如
哉乃終困空谷以未
荆臣老傷哉惠子

大覺高僧蘭若

公自注和南
去冬往湖南

巫山不見廬山遠松林閑若秋風晚

二句總提

一老猶鳴日暮

鐘諸僧尚乞齋時飯香爐峯色隱晴湖種杏仙家近白榆

飛錫去季啼邑子獻花何日許門徒

六句分應首二句

巫山爲和尚所居今往廬山爲廬山遠公矣和尚已遊廬山此巫山松林蘭若猶在也所留門徒其一老暮鐘所鳴其諸僧齋飯還乞和尚不在蘭若清嚴如此遙想廬山此遊和尚踏爐峰過杏林洵足樂矣豈知去冬飛錫出門時邑子已欲噓不禁今秋風已曉爲門徒者方獻花以待也○廬山有香爐峰董奉杏林亦在其處白榆星名此地有落星湖故曰近白榆漢書于定國薦邑子於尹翁歸

奉賀陽城郡王太夫人恩命加鄧國夫人

公自沔陽城王衛伯

也王

衛真行
衛真送喜頻濟時瞻上將錫號戴慈親富貴

當如此恩榮邁等倫郡依封土舊國與大名新紫誥鸞回

紉清朝燕賀人以上叙遠傳冬笋味更覺綵衣新奕葉班

姑史芬芳孟母鄰護方兼有訓詞翰兩如神委曲承顏體

鸞飛報主身可憐忠與孝雙美畫麒麟以上述其慈孝

衛將軍之幕衛恩已重潘安仁之輿送喜又領蓋由郡王有濟時之才成功衛幕所以太夫人有錫號之典顯

御潘輿在郡王富貴不過尋常然似此尊榮已起夷等其封陽城也土地依舊其加鄧國也大名已新字繞回

鸞驚看紫誥人趨燕賀羣頌清朝恩命如此夫豈倖致蓋由母慈子孝子尤移孝作忠也惟王孝母已供冬笋

復舞綵衣惟母教子已似班姑更如孟母母之護方嚴矣詞翰尤美子之承顏至矣報主復殷是孝且兼忠麒麟

雙美古今以來可多得哉

可歎

天上浮雲如白衣斯須改變如蒼狗古往今來共一時人

生萬事無不有

四句近者扶眼去其夫河東女兒身姓柳

丈夫正色動引經鄴城客子王季友

四句叙可歎之事

羣書萬卷

常暗誦孝經一通看在手貧窮老瘦家賣屐好事就之爲

攜酒

四句叙季友之貧

豫章太守高帝孫引爲賓客敬頗久聞道

三年未曾語小心恐懼閉其口太守得之更不疑人生反

覆看已醜明月無瑕豈容易紫氣鬱鬱猶衝斗

八句言李勉識季友

時危可仗真豪傑二人得置君側否

二句爲一篇之主

太守頃者

領山南邦人思之比父母王生早曾拜顏色高山之外皆

崑崙川爲義和天爲成用平水土地爲厚王也論道阻江

湖李也疑丞曠前後死爲星辰終不滅致君堯舜焉肯朽

我輩碌碌飽飯行風后力牧長回首

以上正言兩人可並君側

天地間事變幻多矣如浮雲然忽白衣忽蒼狗何常之有古往今來大率如此未有如河東女兒之去其夫者然不足以累丈夫蓋丈夫正色動引經典雖變不失其常耳鄧城王季友是矣季友默識羣籍尤熟孝經惟是家貧賣屨人頗忽之止有一二好事者攜酒相就敬信之者惟豫章太守李勉引為賓客耳季友作客三年不鳴不躍疑其無能為也太守信之益篤由此觀之丈夫苟正色引經如王季友者雖人間多反覆之事有似乎醜而於明月之光未嘗有玷鄧城劍氣自冲牛斗合而言之二子皆豪俊今日時危可置君側者太守頃領山南其邦人比諸父毋王生早曾相識覺餘子總屬卑卑以置君側為發利天不難成以置君側乎水土地應增厚以置君側而論道王也何憚惜乎猶賦前後夫申呂嶽降傳側而為疑丞李也何忝惜乎猶賦前後夫申呂嶽降傳說列星上為星辰下為公輔二子皆星辰有致君堯舜之志者縱使不置君側亦當在背漢間與星辰終不滅焉肯沒沒以老與草木同腐者况二子不獨義利乃黃帝時之風后力牧若我輩碌碌無為徒飽飯行其風后

力牧如二子者我能不長回首望其遺書明耶○按王季友詩有自耕自刈食爲天如鹿如麋飲野泉亦知世上公卿貴且養山中草木年等句其爲人食貧願志可知此詩貧窮老瘦家賣屐亦實錄也公雜述謂孔巢父嘗不得飽飯喫秋述謂子魏子必見川則風后力牧是也未二句引用

自漢西荆扉且移居東屯茅屋四首

着眼且移二字且者不定之辭先是公種稻東屯故有此移

白鹽危嶠北赤甲古城東平地一川隱高山四面同

四句地利

煙霜淒野日秔稻熟天風

二句天時

人事傷蓬轉吾將守桂叢

二句人事

東屯界白鹽赤甲間其地平坦首頂若案而一川甚隱繞此平地者四面皆山也地利若此天時何如日本廬者交以煙霜而淒冷至於萬物風以散之散則物具成形漸進於熟也地利天時無可傷者可傷惟人事耳

一歲中春赤甲夏漢西秋又東屯如蓬之轉靡有定根
今將卜桂叢而守末卜東屯果桂叢否○東屯前帶清
溪後枕崇崗樹林
葱蒨故稱佳叢

東屯復漢西一廛住青溪來往兼茅屋淹留爲稻畦

西移東屯市喧宜近利公自注西居近市異爲近利市林僻此

無蹊若訪衰翁語須令賸客迷四句言東屯之僻

我移居東屯猶漢西耳蓋一種青溪東西若分青溪原
一况兩處茅屋來往可兼惟此地稻畦淹留有故其曰
桂叢者蓋漢西市喧利則近矣我非近利者若東屯林
僻并亦無蹊無蹊并無客倘有來訪老翁者如問津人
迷踪而去
真桂叢哉

道北馮都使高齋見一川子能渠細石頂都使句我亦沼清泉

頂高齋句枕帶還相似柴荆卽有焉又分承上二句斫畚應費日解纜

不知年

二句見末能出峽

勝客迷矣道北止有馮都使耳我於高齋見其踞一川之勝然都使自都使自我一川可共則共之都使發石為渠若一川之勝都使專之不知清泉之水我亦自然能沼也惟此一川在我枕帶故此柴荆即有清泉蓋亦隨人位置耳今秋杭稻雖熟來歲斫畚正煩我之解糶果何日也

牢落西江外參差北戶間久遊巴子國臥病楚人山

四句移居

東屯幽獨移佳境清深隔遠關

二句美東屯之居

寒空見鴛鷺回首

想朝班

二句思歸朝

我意在解纜耳今猶未能故且在西江開北戶而望也但我非巴人楚客乃久遊而臥病茲土者或者林僻無蹊路迷少客為幽獨之故或者高齋對川清泉可沼為清深之故豈知巴國楚山終難投老長安杜曲是我思在彼寒空上泛泛者是鴛鷺天鴛鷺為朝臣班列觸目寒空不禁回首何日解纜復我朝班耶

簡吳郎司法

吳郎是公姻卷時假居瀼西司法其官

有客乘舸自忠州遣騎安置瀼西頭古堂本買藉疎豁借

汝遷居停宴遊

四句安置吳郎

雲石熒熒高葉曉風江颯颯亂帆

秋二句奉

却為姻婭過逢地許坐層軒數散愁

二句奉借汝

吳郎自忠州來我已遣騎往迎安頓其私人於瀼西追維春間買此古堂本為巫峽擁塞之故此地疎豁藉以自遣非謂不可居而棄之今日假汝誠念汝自忠州來道途勞頓於此休息耳不見古堂前高葉當曉雲石熒熒古堂外亂帆當秋風江颯颯似此疎豁極不忘之今汝遷此我亦姻婭有時過從肯許坐我層軒把疎豁微愁懷否也

又呈吳郎

堂前撲棗任西鄰無食無兒一婦人不為困窮寧有此祇

緣恐懼轉須親即防遠客雖多事使插疎籬却甚真六句總

撲棗任西鄰意已訴徵求貧到骨更思戎馬淚沾巾二句是呈吳郎意

我讓西堂前向榆棗樹有西鄰婦嘗來撲棗彼王吉婦

取棗啖吉吉去之西鄰婦任其撲棗者誠憐其無食無

兒一婦人耳無食則困無兒則窮困可言窮不可言無

子曰獨無夫曰寡寡獨為窮民西鄰婦既無食又無兒

又是一婦人不為困窮寧有撲棗之事緣其恐懼轉須

親之使得安心撲棗耳但吳郎遠客西鄰婦得毋以遠

客為嫌不來撲棗是西鄰婦能以禮自守然以此防遠

客亦屬多事雖則多事在吳郎以其防遠客故插疎籬

以分別之假使如此西鄰婦竟不得復來撲棗似此分

別過於真矣當僕東時此婦已訴困窮之苦多因縣官

徵求一貧到骨我思徵求之故又因戎馬未息吳郎他

日出為困窮請命當思天下如此西鄰婦者不少尚留

心民瘼哉○前章曰許坐層軒此章曰使插疎籬想吳郎

題栢大兄弟山居屋壁二首

叔父朱門貴郎君玉樹高

二句領至末

山居精典籍文雅涉風

騷江漢終吾老雲林得爾曹哀絃繞白雪未與俗人操

從來朱門不足累子弟患子弟不爲玉樹耳今朱門自貴主樹自高朱門玉樹何嘗兩妨乃栢氏兄弟去朱門卽山居者爲讀書故山居內裘馬旣遠所精典籍內文雅旣嫻兼涉風騷我於江漢上終老誰依乃於雲林間得爾後進栢氏兄弟地望爲玉樹文章亦白雪夫白雪豈俗人之謂卽俗人亦安得而操此耶

野屋流寒水山籬帶白雲靜應連虎穴喧已去人羣

四句山居

筆架露窓雨書籤映夕曛

二句山居讀書

蕭蕭千里馬箇箇五

花文

二句栢氏兄弟

山居則非朱門而爲野屋野屋則稱山居宜有山籬此間寒水往來白雲起伏幾與虎穴爲鄰已覺人羣都絕

虎穴可畏人羣可依與其入人羣毋寧鄰虎穴靜喧不同也既精典籍又涉風騷則筆架書籤皆山居有事桓氏兄弟工苦如此豈真老於野屋疎籬白雲寒水為山居人物者皆千里馬五花文今日玉樹生於朱門他年朱門即此玉樹即君勉哉○落窓雨
暗用漂蕤事映夕照暗用映雪事

單山人隱居

南極老人自有星北山移文空勒銘

二句

徵君已去獨松

菊衰壑無光留戶庭

二句即北山移文意

予見亂離不得已子知出

處必須經高車駟馬帶傾覆悵望秋天虛翠屏

四句

南極有老人星見則王治安今日亂離尚未可見不見而隱仍不失為老人星假使南極老人果能自有其星彼北山移文文誰勒銘而請耶無奈南極老人如單山人者已就徵而去此隱居之地所存者獨松菊耳戶庭耳幾令哀壑笑人矣夫治亂在世出處在人予見亂離豈不欲出亦無可奈何不得已棲遲於此子年已老閱

歷應多夫豈不知出處之道必須經歷后動乃漫然就
徵北山移文周顒后又將在子矣夫福兮禍所倚朱丹
其轂適以赤我之族校書未已而高閣投入洛幾時而
鶴唳慟此時回首玄亭問字之處崑崙陰瀟書之臺雖欲
從之何可復得此神武門前弘景之冠早挂秋風江上
張翰之舟遂歸非惡高車駟馬非戀秋天翠屏誠知今
日高車駟馬與傾覆接踵他年秋天翠屏雖帳望靡從
耳覃山人既為老人何其昧於出處如此○自有星三
字何等身分自有不至
傾覆傾覆不復自有

栢學士茅屋

碧山學士焚銀魚白馬却走身巖居

二句栢學士茅屋

古人已用

三冬足年少今開萬卷餘晴雲滿戶團傾蓋秋水浮堦溜

決渠富貴必從勤苦得男兒須讀五車書

六句言其讀書茅屋

學士佩銀魚乘白馬今焚者焚却者却身隱巖居何爲
哉東方朔曰三冬文史足用古人用三冬而已足今學

上方年少耳聞萬卷而有餘古今人何多讓焉讀書時
想見茅屋內晴雲滿戶若傾蓋之國茅屋下秋水浮州
為炎染之潤學上為此雖不貪富貴若論富貴必從勤
苦世亦有不必要五車書而富貴者命為男兒留不如是
東屯月夜

抱疾漂萍老防邊舊穀屯春農親異俗歲月在衡門

四句東屯

青文霜佩重黃牛峽水喧泥留虎圖跡月挂客愁村喬木

澄稀影輕雲倚細根數驚聞雀噪暫睡想猿蹲

八句東屯月夜

轉東方白風來北斗昏天寒不成寐無夢寄歸魂

四句東屯月夜

老病漂萍移居東屯者為春日務農淹留歲月耳仰見
霜飛秋深楓老俯聽峽轉石觸聲喧况虎跡留泥客村
挂月蒼蒼喬木霜葉稀疎裊裊輕雲右根微細數驚有
故為蜂棲雀無枝寂寂何從但想蹲猿穩睡末幾舉頭
見日東方漸轉長安不見北斗旋昏天寒則不寐不寐
則無夢無夢則歸魂誰寄哉○石為雲根細根小石也

東屯北嶠

盜賊浮生困誅求異俗貧

二句總

空村惟見鳥落日未逢人

二句正見異俗貧

步壑風吹面看松露滴身遠山回白首戰地有

黃塵

四句正見浮生困

生逢盜賊浮生已困乃朝廷以盜賊故干戈未息至誅求之迫雖異俗如東屯而亦不免所以北嶠空村止見鳥耳庶幾日暮有歸人而落日未逢真空村哉我行而步壑時來吹面之風立而看松止有滴身之露由北嶠回首豈無樂土無奈茫茫戰地到處黃塵浮生至此誠為困矣

夜二首

向夜月休弦燈花半委眠

二句夜

號山無定鹿落樹有驚蟬

二句自况

暫憶江東鱸兼懷雪下船

二句夜懷

蠻歌犯星起重覺在

天邊應首
二句

月何必弦我所見老燈花耳燈花亦半委落而成眠矣
人則雖眠乃號山之鹿棲而不定落樹之蟬忽焉有驚
是人亦未可高枕也眠時所憶者江東鱸如季鷹思家
所懷者雪下船如子猷念友忽聞蠻歌已眠復起當其
憶江東鱸如身在江東懷雪下船如身在山陰聽蠻歌
而起重覺此身原在天邊天邊何地而堪久處亦何異
於號山鹿落樹蟬也已○不宜然而然曰犯公用犯字
都有謂將曉詩曰飄飄犯百蠻言老不可入蠻也對雪
詩曰北雪犯長沙言北不可侵南也
此曰蠻歌犯星起言夜不可冒曉也

城郭悲笳暮村墟過翼稀甲兵年數久
承悲賦歛夜深歸

承村暗樹依巖落明河繞塞微
二句斗斜人更望月細鵲

休飛
挽首章
起二句

此時犯星而起不但聞蠻歌且聞悲笳不但聞悲笳且
見過翼聽悲笳知甲兵之年數爲已久見過翼歎賦歛

至而方歸况暗樹之影依巖已落明河之光繞寒
亦微凡以月細故也前此憶江東懷雪下幾欲舍此而
去今斗斜更望而見月光既細鵲且休飛我其終對燈
花而眠哉號山鹿驚樹蟬亦爲休飛鵲可矣○二章以
月起以月收委眠休飛總是杜門高臥行路難意

茅堂檢校收稻二首

此於東屯檢校收稻之事

香稻三秋末平田百頃間

二句收稻之由喜無多屋宇幸不礙雲

山

二句茅屋

御袂侵寒氣嘗新破旅顏紅鮮終日有玉粒未吾

堅

四句檢校收稻

東屯米冠蜀中稻爲香稻其地百頃若案田爲平田百頃之外屋宇無多平田之間雲水不礙惟是寒氣已侵御袂猶苦不免然而嘗新可得旅顏從此可破矣今日紅鮮之稻已保必有將來如玉之粒亮亦不堅此皆

檢校可
預必者

稻米炊能白秋葵煮復新誰云滑易飽老藉軟俱勻四句稻爲

主葵種幸房州熟苗同伊闕新二句東無勞映渠盤自有之稻

色如銀二句王

玉粒何如炊能白矣與稻同白者又有秋葵秋葵雖滑誰曰易飽亦藉玉粒軟勻宜於老人耳此玉粒之種自房州來者非如伊闕爲我故鄉幸也房州之種無異伊闕莫白於渠渠盤凡物未白者或借映於渠盤玉粒之色已自如銀渠盤之映真不必也

歸

此從東屯
歸渡西

束帶還騎馬東西却渡船二句從林中纔有地峽外絕無

天二句歸虛白高人靜喧卑俗累牽他鄉悶遲暮不敢廢

詩篇四句歸

白東徂西大江中隔故始焉騎馬繼須渡船既已渡船還須騎馬遂束帶上馬却去渡船也還渡西入林中林外皆山林中纔見其有地由林中望峽外峽中貫江峽外若疑其無天夫虛室生白高人自靜西居近市俗累宜牽猶頓詩篇足慰遲暮而已

秋野五首

秋野日疏蕪寒江動碧虛繫舟蠻井絡卜宅楚村墟四句秋野

聚熟從人打蔡荒欲自鋤盤餐老夫食分減及溪魚四句秋野

之事

秋深一望野已疎蕪極目寒江碧虛搖動我繫舟於此夫豈得已卽卜宅亦偶然耳所以聚熟矣從人自打河

必私爲我物。葵荒矣。且復自鋤。何必不如老圃。夫在野既有葵。棗乃繫舟。臨江更有溪魚。盤餐所餘。何不惠及溪魚也。○井絡變之分野。

易識浮生理難教一物違二句水深魚極樂林茂鳥知歸

教一物違我老甘貧病榮華有是非秋風吹几杖不厭北

山薇四句承易識浮生理

承上章我繫舟卜宅苟安於此者識浮生理無容
况求耳我於葵棗溪魚使各得所者知一物之生難違
其性也蓋人生本淫茫無住著昧者不察多所營求須
知物情猶我性也順之則喜違之則怨苟順其性雖牽
石盡水欣欣自得倘或違之則雖天地之寬江湖之大
愁慙滿目所以水不期於魚林無心於鳥而樂者樂歸
者歸惟深惟茂誠不違其性耳况於浮生豈樂貧病我
老則甘之豈厭榮華是非則審之秋風几杖任其所如
北山薇薇久而不厭誠識浮生理也

禮樂攻吾短山林引興長

二句總

掉頭紗帽側曝背竹書光

二句承禮風落收松子天寒割蜜房稀疎小紅翠步履近

微香

四句承山林引興長

以下三章隱承吾老甘貧病榮華有是非二句意彼
名教中有禮樂我雖老病豈敢自外但禮樂之攻我偏
覺其短所以然者絕意榮華山林之興引我偏長也於
此長則於彼短有不能相兼者彼紗帽竹書禮樂所宜
今掉頭不顧曝背自如禮樂之攻我誠短矣若松若蜜
山林所需今風落而收天寒而割山林之引興信長也
至若秋花秋葉生意蕭疎駐屐遲之微香可襲既以掉
頭曝背何妨駐屐花間既已割蜜收松并此微香亦足
戀云爾○禮樂山林原非兩局掉頭曝背非禮樂無
非山林割蜜收松山林經濟卽禮樂經濟豈真禮樂短
山林長

遠岸秋沙白連山晚照紅潏潏輪蹄浪歸翼會高風砧響

家家急樵聲箇箇同

六句秋野

飛霜任青女賜被隔南宮

二句秋感

承上章

秋沙遠岸

一片皆白晚照連山萬里胥紅秋

沙處有潛鱗駭浪不及晚照時有歸鰲從風自如而况

節屆授衣家家刀尺時當落木箇箇樵聲鱗潛而易歸

砧發而樵唱天寒矣霜飛矣我曾為郎南宮之被亦應

叨賜自維貧病已却榮華南宮之

直宿無期樂松之賜被敢望哉

身許麒麟壽年衰鴛鴦羣

接上南宮賜被句

大江秋易盛空峽夜

多聞遲隱千重石帆留一片雲

四句秋野

兒童解纜詎不必作

參軍

梳合首二句

承上章南宮之被雖云隔也麒麟壽閑身曾許之往

者身廁鸞羣朝班忝竊自傷衰老功名不終不亦辭榮

華甘貧病與彼大江之上秋偏易盛不但駭浪高風也

空峽之內夜獨多聞不但砧響樵聲也峽中有遲遲所

隱者惟于重石耳江上有帆帆所留者如一片雲然至

若參軍可作也乃見童居南久習蠻語亦何必如晉時

郝隆作蠶府參軍而始然哉。○細按五章當以易識浮
 生理難教一物違兩句為主。夫浮生有老少有貧病有
 榮華有是非或入世有禮樂或出世有山林或早歲登
 麒麟或暮年列鵷鵠揆之於理作平等觀物理亦不一
 矣。總欲俾其得所棄之熟葵之鋤成功者退魚之樂鳥
 之歸任天而行收松削密其候自然無非天趣所謂
 至稀疎紅翠亦有性情兒童樂語無非天趣所謂
 難違者如此皇甫冉童稚解方言向本社公見童解
 傷秋

林僻來人少山長去鳥微二句虛籠全首高秋收畫扇久客掩柴

扉顚慢頭時櫛艱難帶解圍四句傷秋將軍思汗馬天子尚戎

衣二句傷秋時事白蔕風颼脆殷璿曉夜稀何年減豺虎似有故

園歸四句傷秋情緒

休辭朋人踪稀少山長則鳥影微茫秋意堪傷哉况高
 秋却扇似我道之過時久客杜門亮人情之見棄所以

顛倒而少逢迎頭亦偶櫛艱難而多憂恤帶亦
吾也收書扇掩柴扉科頭却帶於長林下蓋將自安
老不復有爲豈知將軍捍圍汗馬方戰天子戎服有時
未寧與言及此雖結髮束帶爲將軍修力天十分憂有
不辭者其如白蔣風摧股檉曉落秋又暮矣而豺虎未
息故園難歸何○時吐蕃寇靈州朝廷詔郭子儀帥甲
士鎮涇陽京師戒嚴是將軍汗馬天子戎衣

雨

山雨不作泥江雲薄爲霧

二句雨

晴飛半嶺鶴風亂平沙村

明滅洲景微隱見巖姿露

四句雨景

拘悶出門遊曠絕經目趣

消中日伏枕臥久塵及履豈無平肩輿莫辨望鄉路兵戈

浩未息蛇虺反相顧悠悠邊塞破鬱鬱流年度針灸阻朋

曹糠乾對童孺一命須屈色新知漸成故窮荒益自卑飄

泊欲誰訴正羸愁應接俄頃恐違迂以上感懷浮俗何萬端幽

人有高步二句結上起下龐公竟獨往尚子終罕遇宿留洞庭秋

天寒瀟湘素杖策可入舟送此商髮暮四句出映

山間之雨滑不作泥江上之雲薄則成霧雲散而雨晴

飛於半嶺者有鶴雨止而風生亂於平沙者有樹此時

洲景猶微半明半滅巖姿已露若隱若見因而出門有

礙野趣都疎老病頻侵屐塵徒滿肩輿自在望郊茫然

而況兵革未銷蛇虺載道邊月屢破作客依然年歲如

流奮飛無日非叔夜之絕交苦綠二豎類陳平之噎乾

懶向諸兒一命之吏欲擬折腰流落之人久無傾蓋屈

身彌甚開口誰憐白顧厄素應酬已倦况於色笑頃刻

恐違蓋山浮俗紛紜為態不一豈知幽人遠舉原有高

踪如龐公如尚子乎少待洞庭深瀟湘風發便當杖

策入舟送此暮齒安能鬱鬱

久居此也○等待為宿留

秋清

高秋蘇肺氣白髮自能梳藥餌憎加減門庭悶掃除杖藜

還客拜愛竹遣兒書

六句都寫秋病起

十月江平穩輕舟進所如

二句預期出峽

肺病得秋氣而平白髮稀疏疎不須櫛亦自能理矣於時藥餌堪憎病後猶傾加減門庭諸悶病起可以掃除未幾客至還客拜無杖藜之碍病餘故杖藜而答我性愛竹則必題詩病餘不能自作故遣兒以書十月瞿唐冬水漸淺正當灑灑石出峽水如象之時夫如馬莫下如象莫上出峽下也此時輕舟順流聽其所如哉○後公寄弟觀詩云禹鑿寒江正穩流正合十月江平穩輕舟進所如意

瞿唐兩崖

三峽傳何處雙崖壯此門

點瞿唐兩崖

入天猶石色穿水忽雲

根探攫髯鬚古蛟龍窟宅尊

四句言其壯

義和冬馭近愁貫日

車翻二句
托感

崔唐為三峽門自昔相傳惟此兩崖中貫一江最為壯觀此其門也其高入天猶然石色其深穿水疑為雲根惟入天故深樓之憑高處者其巔俱古惟穿水故蛟龍之阻深居者窟宅以尊雙崖壯此門如是不獨入天穿水而且礙日今者秋駕辭冬取近冬日短弱恐到此雙崖日車不免於翻也亦奈之何○由入天穿水說到翻日時元載魚朝恩用事專權太陽翻覆之象愁畏日車翻語意有謂

暝

日下四山陰山庭嵐氣侵

候

牛羊歸險徑鳥雀聚深枝

時

景

正枕當星劍收書動玉琴

事

半扉開燭影欲掩見清

物

所見

峽中四面皆山故當日下時嵐氣直侵戶庭也於是牛羊歸徑以心愈險鳥雀聚枝以照更深正枕而當星劍

因眼劍光獨明收書而動玉琴因眼琴響忽觸眼則然
燭將燃之際半扉尚開既燃之后半扉欲掩因掩扉與
燭光所及適照清砧清砧不
日聞曰見眼時所急者見耳

雲

龍以瞿唐會江依白帝深

二句出雲之地

終年常起峽每夜必通

林

二句行雲之時

收穫辭霜渚分明在夕岑高齋非一處秀氣豁

煩襟

四句承上虛寫雲

雲之為物從龍而起依山山川而出天地之至奇也亦惟
瞿唐龍會白帝江深故雲之生也無時不然不見瞿唐
峽口終年常起白帝林間每夜必通終年起至收穫之
候指浩暫辭每夜通故分明之景夕岑猶懸不獨瞿唐
白帝就我高齋亦非一處每披秀氣可豁煩襟雲不在
我襟袖耶○收穫辭霜渚功成身退之象分明在夕岑
年高德邵之象

晨雨

小雨晨光內

一句題面

初來葉上聞霧交纔灑地風折旋隨雲

暫起柴荆色輕霑鳥獸羣

以上寫晨雨之景

麝香山一半亭午未

全分

結將亭午挽晨雨

小雨在晨光內當其初來聞葉上耳未見其形先聞其聲是爲晨雨其聲初傳但於葉上是晨雨之小者惟其小故借霧而後灑地因風而使隨雲此時晨光內柴荆之色暫起不獨葉上聞鳥獸之羣亦霑蘂有麝香山遙望山色但得一半直至亭午尚未全分蓋小雨迷濛難辨也

天池

天池馬不到嵐壁鳥纔通百頃青雲杪層波白石中

四句言池

在山鬱紆騰秀氣蕭瑟浸寒空直對巫山峽兼凝夏禹功

魚龍開闢有菱茨古今同

以上寫池

聞道奔雷黑初看浴日紅

飄零神女雨斷續楚王風欲問支機石如臨獻寶宮

六句切天

池
九秋驚雁序萬里狎漁翁更是無人處誅茅任薄躬

四句

寫自

變有天地宜有天馬渥洼之異乃殊不然其嵐壁上惟
易幾通耳池在山巔故百頃凌雲層波漾石其爲雲秀
氣下雷其爲水寒光見底夫惟巫峽曾經開鑿想此池
亦以禹功與魚龍出沒開闢已然菱茨滋生古今不異
謂之天池者蓋以此池時奔雷奔雷黑時浴日浴日紅
時而雨爲神女雨時而風爲楚王風夫雷雨風日皆天
上物今奔於池浴於池飄零於池斷續於池不謂之天
池而何且織女支機之石河伯獻寶之宮皆非人間物
色一一爲天池所有則愈見其爲天池顧此天池九秋
之餘雁序驚起萬里之外漁翁可狎所驚者雁序所狎
者漁翁是無人處也誅茅
而居一任我躬何不可哉

卽事

天畔羣山孤草亭江中風浪雨冥冥一雙白魚不受釣三

寸黃甘猶自青

四句卽事之景

多病馬卿無日起窮途阮籍幾時

醒未聞細柳散金甲腸斷秦川流濁涇

四句卽事之感

天畔羣山山本不孤只一草亭亭何孤也似此孤亭庶免爲風雨漂搖乃風雨冥冥若偏爲孤亭而作勢處此風雨江中白魚應受釣矣乃一雙白魚不屑受釣魚也遭風雨而不貪餌如此處此風雨亭前黃甘應損青矣乃三寸黃甘猶然自青甘也遭風雨而不改節如此况多病馬卿何日能起窮途阮籍幾時得醒多病窮途之故都因身遠秦川耳秦川未得歸者只因細柳甲兵未散耳然則與天畔孤亭終始故鄉茫茫終不得歸與

獨坐二首

竟日雨冥冥雙崖洗更青水花寒更落山鳥暮過庭

四句獨坐

景南

暖老須燕玉充飢憶楚萍胡笳樓上發哀怨不堪聽

獨坐感懷

我獨坐對雨只有雙崖經雨彌青耳若水花則因寒落岸山鳥則向暮過庭皆有不堪於雨者况人而堪此飢寒哉暖老無具計惟燕玉夫暖老必須燕玉老終無時援也充飢無物計惟楚萍夫充飢至憶楚萍飢終何日充期况世亂未平笳聲頻奏獨坐聽之難為情矣○燕玉稱引燕趙多佳人美者顏如玉以燕玉為婦人即禮記七十非人不煖意白樂天詩云君是孤眠七十人莫道非人身不煖又反言之也輟耕錄載四明黃玠贈趙碧淵妾詩有少陵尚愛燕玉煖句則燕玉指婦人無疑但予又考唐寧王有煖玉鞍又有煖玉杯玉自有煖者何不可以煖老燕玉或煖玉出燕未可知

白狗斜臨北黃牛更在東峽雲常照夜江日會兼風

四句峽雨

驪藥安垂老應門試小童亦知行不逮苦恨耳多聾

四句驪藥

事情

雙崖者白狗峽黃牛峽一臨北一在東雲能致雨峽雪照夜夜雨可知風能散雲江日兼風雨晴可知於焉藥夫此煖老无飢之物既不可得庶幾曠藥以安老人於焉客至夫我有柴門雖設恒開應門何為者聊試小童耳至若德不加修年日逾邁亦知所欲行者百無一逮豈是安心獨坐時無奈耳已先憂不能有為因此若恨而獨坐云爾

雨四首

微雨不滑道斷雲疎復行

雨雲對起

紫崖奔處黑白鳥去邊明

二句承斷雲

秋日新霽影寒江舊落聲

二句承微雨

柴扉臨野碓半

濕搗香杭

二句單結而意

雨微雲斷其景何如但見雲奔之處紫崖都黑雲去之邊自鳥暫明或奔紫崖之處或去白鳥之處所謂斷雲

也秋日之影忽似新霽偶然日影若因雨而洗寒江之聲依然舊落習熟江聲不因雨而添故爲微雨當此秋飢香杭濕鳴

雨困人哉

江雨舊無時天晴忽散絲暮秋霑物冷今日過雲遲

四句

上馬回休出看鷗坐不辭高軒當灩澦潤色靜書帷

四句

景情

江雨不常陰晴難必其舊無時者已然之雨當暮秋而霑物冷其忽散絲者將來之雨於今日而過雲遲晴雨無常如此此時欲出上馬還休此時既回看鷗且坐高軒無事潤色悠然灩澦雖喧書帷自靜豈非行路難不如杜門

逸興

物色歲將晚天隅人未歸

二句

朔風鳴淅淅寒雨下霏霏

二句承物色歲將晚

多病久加飯衰容新授衣時危覺惆悵故舊短

書稀四句承天

眼前物色咸將晏矣天隅羈客何日歸與而况朔風漸
漸時來入耳寒雨霏霏輟復侵人歲真晚矣此時天隅
之人安得飽飯只因多病久加耳此時天隅之人安得
暖衣只因寒客新授耳艱難如此亟望故舊其如時危
獨喪短書亦絕何

楚雨石苔滋京華消息遲承短書來山寒青兕叫江晚白鷗飢

神女花鈿落鮫人織杼悲四句都繁憂不自整終日灑如

絲總結

雨潤石苔行踪都斷猶望京華消息耳短書稀則消息
遲矣彼青兕耐寒者當此山寒不免於叫白鷗忍飢者
到此江晚亦覺其飢不獨青兕叫神女本行雨者久雨
花鈿亦落不獨白鷗飢鮫人本喜雨者久雨織杼亦悲
我能免飢寒之戚哉憂緒多端不能復理雨絲終灑亦
奈之何○首章曰半濕搗香秔秋飢可想次章曰暮秋

諸物冷秋寒可想三章曰多病久加飯衰容新授衣
四章曰山寒青兕叫江晚白鷗飢無非飢寒之感

返照

返照開巫峽寒空半有無

以下都寫此句

已低魚復浦不盡白鹽

孤荻岸如秋水松門似畫圖牛羊識童僕向夕應傳呼

日之夕矣巫峽已暗忽得返照峽景復開所見羣動淒
清寒矣萬象搖落空矣寒空中其爲物色半有半無耳
魚復浦在下返照與之俱低魚復浦無也白鹽山最高
返照與之不盡白鹽半有也荻岸非秋水返照所映荻
岸與秋水一色荻岸在有無間也松門非畫圖返照所
及松門與畫圖無異松門在有無間也牛羊本識童僕
至返照將斂牛羊所應但聽傳呼此時牛羊童僕皆在
有無間寒空半有無如此

向夕

畝畝孤城外江村亂水中深山催短景喬木易高風鶴下

雲汀近雞棲草屋同

六句向夕景物

琴書散明燭長夜始堪終

二句

向夕之事

田距孤城村園亂水景已短矣日薄西山而短更催風已高矣聲在樹間而高尤易於時雲汀近冰有鶴翩然草屋荒墟琴雞亂入旅人何事惟有放琴書於明燭下不然如此長夜何

大曆二年九月三十日

此題春秋紀時體公雨詩留滯一老翁書時記朝夕

爲客何時了

頃至末句

悲秋向夕終

點九月三十日

瘴餘夔子國霜薄

楚王宮草敵虛嵐翠花禁冷蘂紅

四句氣候之異

年年小搖落不

與故園同

挽首句結

作客至大曆二年何時可了乃四時之序成亦者退秋至九月三十日則已向夕終矣無奈瘴猶未去因此也

是夔子國霜猶未濃因此地是楚王宮所以秋為搖落之辰而草暹翠花猶紅搖落為小也雖然與其見草翠花紅於異地不如見草黃花落於故園今既不然為客真何時了耶

十月一日

有瘴非全歇為冬亦不難

二句十夜

耶溪日暖白帝峽風

寒

二句正見為冬不難

蒸裹如千室蔗糖幸一杵茲辰南國重舊俗

自相歡

四句寫夔俗

南方十月瘴未全歇雖名為冬不甚苦寒旅人無衣處此亦無難事瘴還有所以夜郎溪日至冬猶暖冬已為所以白帝峽風此日微寒若論天時旅人何妨久處人情則有不然者十月一日夔為佳節其俗以蒸裹蔗糖爭相餽遺蓋比戶皆然千室如一室也以滿器為重一物必一杵也二物雖薄南人為重亦各相往來各自娛樂耳旅人何與哉○公在夔於立春則思青絲細菜於寒食則思山中松栢於九日則思樊川菊花於冬日則

思銅駝金谷茲於十月一日則有蒸
爨糖之感旅客窮愁千載在目

戲作俳諧體遣悶二首

異俗吁可怪斯人難並居家家養烏鬼頓頓食黃魚

二句異俗

舊識難為態新知已暗疎

二句斯人

治生且耕鑿只有不關渠

二句遣悶

夢接烏蠻夜郎梓州六詔信為異俗俗異人情亦異有
難與並居者有蠻神夢人奉為烏鬼養烏鬼已可怪家
家養則以怪為常尤可怪也有黃魚夢人日夜所需者
食黃魚無可怪頓頓食則雖常亦異故可怪也至於斯
人其在舊識為態無常其在新知外貌徒厚難並居如
此然治生之道耕鑿為常自守之道不關渠而已得俗
雖異我自不異斯人難吾自不難遣悶如
此○吁可畏乎其怪人也出靈光殿賦

西歷青羌坂南留白帝城

公自任頃歲自秦涉隴從同於谷縣出遊蜀留滯於巫山也

菟侵客恨拒救作人情

二句物類之異

瓦卜傳神語畚田費火聲

二句風俗之異

是非何處定高枕笑浮生

二句遺悶

我非夔人只由往日自秦涉隴歷坂而來不得已遂留
白帝城耳不料此方異甚物類謂虎爲於菟風俗有招
菟之拒救且尙鬼將瓦代龜妄傳神語且燒田焚山研
畚多費火聲虎名於菟妄矣饋惟拒救陋矣占瓦爲卜
誕矣燒磔種田迂矣斯人自以爲是我安得
指之爲非計惟高枕過此浮生悶亦遣矣

杜詩闡卷二十八

終